

ramus factum esse monachum, nihilominus tamen nos eum optare nobis fieri episcopum; cum repro-latus fuerit ille lupus, quem probare potestis indi-gnum. Quod vos invicem caute et diligenter et se-crete deliberare petimus, utrum fieri possit an non, et nobis servis vestris ac fratribus deliberationis vestra finem innotescere, sive litteris, sive legato fideli. Haec autem verba nostra videte interim ne publicentur. Valete.

PISTOLA CXXXVIII [olim CXXXIII].

Quem super omnes abbates diligunt sanctissimo patri O. canonici Sanctæ Mariæ omnium virtutum gratia præfulgere.

Ubsecramus vos in nomine sanctæ Trinitatis, ne faveatis contra jus et fas partibus Theodorici simu-lati episcopi, neque suadeatis Odoni comiti facere cum eo concordiam contra sanctorum canonum au-toritatem. Clarissimum speculum posuit vos Deus in mundo, videte ne qualibet nigredine obscuremini, qua offuscentur alii; sed semper vero lumine re-splendeatis, quo et alii possint illustrari. Valete, beatissime Pater, et rescribite nobis quid melius de hac causa vobis videtur.

PISTOLA CXXXIX [olim CXXXIV].

In Christo sibi d. lecto semper diligendo domino RANALDO HILDEGARIUS servus ejus fidelis, quæ retro sunt obliisci, et jugiter in anterioia ten-dere.

Causa charitatis pollicitus sumi conversari me cum

A Hereberto nepote tuo, usquequo fruges novæ col- ligantur, amice illum habitus, interim quasi præ-sentiae tuæ vicarium. Scripta quæ tibi mitti poscis, partim mittimus; partim minime, quia non sunt missu facilia: quæ vero mittuntur, et difficilia sunt cognitu et pernecessaria, de sacramento videlicet corporis et sanguinis Domini; quæ si non digne ac fideleri percipimus, vivere non habemus. De cogitationibus autem quæ se nolentibus nobis ingerunt, ita sentiebat charissimus pater noster Fulbertus: nil eas nocere, si tandem menti minime placuerint; signo crucis abigendas esse ab animo, velut muscas ab oculis importunas; rationem ponendam esse men-tis custodem, rerum utilium receptricem, quibus dum occupata fuerit, ab inutilibus impeti vel pene-trari non possit: cui sententiæ multas alias in Vitis Patrum consentientes reperire potes, quæ tuum animum optime relevabunt, opitulante Christi grata, sine qua nihil valemus vel sumus. Cetera vero quæ ad præsens non mittuntur, quia nec adeo scriptu facilia, nec satis idoneum gerulum habere modo videntur, Deo volente, spero me tibi misurum vel delaturum, cum opportunum tempus et latorem in-venerim. Valeas, animo meo charissime, mortuus huic mundo Christum tibi vivere noris, virtuti vi-vas, sit tibi mors vitiorum, ora pro me famulo tuo, Pater.

SANCTI FULBERTI

TRACTATUS

IN ILLUD ACTORUM XII, 1 : Misit Herodes rex manus, ut affligeret quosdam de Ecclesia, etc.,

Factus in Festo sancti Petri ad Vincula

(GALLAND. *Biblioth. vet. Patr.* tom. XIV, pag. 177.)

Scripturam sacram recte, cum legit, intelligit qui modos locutionum ejus non negligit. Hos autem considerare non sufficit, nisi qui eam meditatione continua frequentavit. Nam sicut, homini cuilibet frequentius colloquendo, paulatim ejus sit qualitatis advertimus, ita et morem Scripturæ sacræ, saepius eam retractando, cognoscimus. Ipsa enim, sicut Patrum magisterio edocemur, nonnunquam, per hoc quod vituperabiliter juxta historiam gestum narrat, virtutem laude dignam juxta mysticum intellectum significat. Hoc autem in eo vel maxime claret, quod de David et Uriᾳ sacra Historia gestum

C sua minuat, etiamsi per quod ab eo laudabiliter gestum est, malum aliquod designetur; nec injusto iustitia meritum conferat, etiamsi per hoc quod improbabiliter gessit, aliquod bonum figuretur. Neque enim peccatum David ideo peccatum non fuit quia bonum illud maximum figuravit, aut Uriæ inno-centia malum fuit quia infidelis pepuli duritiam designavit. Haec idcirco præmissimus, ne meritis apo-stolicis derogasse ab aliquo judicemur, cum per ea quæ de illis in hodierna lectione narrantur, aliiquid quod sanctitati eorum non congruat, significare di-xerimus. Hodie namque nobis, de more Ecclesiæ, spectaculum Actuum Justitie recitatore in qua frater

quædam Patres spiritualiter intellexisse legimus ; non videtur incongruum si, historiæ veritate servata, quomodo spiritualiter tota possit intelligi demonstremus. Sed jam audiamus exordium.

I. *Misit Herodes rex manus, ut affigeret quosdam de Ecclesia* (Act. xii, 1 seqq.). Quem sub Herodis vocabulo accipere debeamus significatum, et nominis ejus appellatione et operis crudelitate docemur. Herodes quippe *pelliceus* interpretatur, quo nomine recte antiquus humani generis adversarius designatur; cuius suasionibus dum primi homines crediderunt, stola immortalitatis perdita, pelliceas tunicas mortalitatis indices acceperunt. Nam, quia pelles mortuis animalibus solent detrahi, non incongrue per pelliceas tunicas dicitur mortalitas figurari. Quas quidem tunicas Deus fecisse et homines induisse legitur; non quod eos ipse mortales creaverit, de quo Scriptura verax veraciter protestatur : *Quia Deus mortem non fecit; sed quia, quos ad vitam æternam, si mandatum servarent, condidit, post prævaricationem mortales factos ipsa vestis qualitate monstravit.* Sed hujus indumenti ipse proprie hominibus auctor existit, qui eis culpam qua illud puererentur promissione seductoria persuasit. Jure igitur ipse pelliceus nominatur, cuius instinctu humana natura pelliceis tunicis mortem significantibus amicitur. Rex autem Herodes iste vocatur, quia ipsum esse *regem super omnes filios superbie* Scriptura testatur; qui et omnibus regimini suo subjectis ad mortem perpetuam principatur. Cujus Herodis manus sunt vel maligni spiritus qui illi ad deceptionem obsequuntur, vel certe perversi homines, in quibus, juxta Pauli vocem, *iniquitatis mysterium operatur*. Hostis quippe, humanae perditionis insatiabiliter avidus, cum ei ad votum sua solum nequitia non plenarie satisfacit, ad exsatianam famem suæ malitiæ socios sibi vel malignos spiritus vel homines perversos adjungit. Qui nimis ad læsionem bonorum toties manus mittit, quoties cordi eorum vel per subjectos spiritus immunda desideria injicit, vel per humanam sævitiam contra eos in exteriori acerbitate crudescit. Quod enim contra caput nostrum semel egit, hoc etiam contra nos membra ejus indesinenter agere non omittit. Nam quia mentem ejus tentando penetrare non potuit, ad perimendam carnem ipsius, manus suas, videlicet Iudeos et milites Romanos, armavit. Sic ergo etiam nunc, quoties a corde electorum repellitur, ut eos saltem in corpore perimat, invidia ardescente succenditur. Ad quid autem tantopere sævit, aperitur, cum subditur : *Ut affigeret quosdam de Ecclesia.* Ea enim quamprimum in'entio illius ad contemplandam electorum innocentiam concitat, ut vel eos in culpam perversa suadendo

A quibus etsi numerositas triumphorum coronam victoriae repromittit, hoc ipsum tamen quod cerebro dimicare coguntur, eos vehementer affigit. Scientes namque humanam fragilitatem ad casum esse præcipitem, valde suspecti sunt, ne hostis, qui eos ad certamen frequentius provocat, remissius decertantes quandoque devincat. Notandum interea quod non dicitur : *Ut affigeret Ecclesiam, sed quosdam de Ecclesia;* quia, etsi fideles omnes odio generati persequitur, acerbitudinem tamen illius illi gravius sentiunt, qui levibus desideriis ejus matura gravitate resistunt. Quos videlicet tanto atrocius impugnat, quanto eos fortius repugnantes considerat. Vel certe missis manibus quosdam specialiter Herodes affigit, cum, tentamenta illius aliis evadentibus, alios ad vitiorum præcipitia trahit.

II. Sequitur : *Occidit autem Jacobum fratrem Joannis gladio.* Hanc quidem beati Jacobi passionem omni veneratione suscipimus, credentes et illum pro triumpho martyrii justitiae corona donatum, et hostem ipsius pro sua crudelitate morte æterna multatum. Sed quod juxta historiam semel factum audivimus, non frustra quomodo quotidie fiat mystice, perserutamur. Quia igitur *Jacobus luctator et supplantor* interpretatur, et Joannes, *gratia Dei*, possunt per hæc duo vocabula duo in Ecclesia ordines figurari : unus scilicet ineipientium, qui adhuc in lucta fidei contra diabolum certat; alias autem eorum qui, per gratiam Dei superatoq; adversario, nulla jam mentis instabilitate vacillat. Is autem qui luctatur, modo supra, modo infra inspicitur; ita et qui, necdum perfecte compressis carnis motibus, contra diabolum luctantur, sic illum interdum sibi subjicientes supplantant, ut ab illo etiam aliquoties, saltem delectatione noxia, supplantentur. Quæ videlicet noxia delectatio si non cito compescitur, protinus anima, vitalis flatu justitiae perdit, consensus gladio trucidatur. Recite ergo consensus delectationi succedens, gladius appellatur, quia, intra sanctam Ecclesiam, illi quoque qui blandimentis diaboli enormiter succumbunt, cum illis qui per gratiam Dei in virtute perfecti sunt, uno verbi semine concepti, uno sanctæ matris Ecclesiæ utero sunt renati. Sieque illos meritorum diversitas separat, ut tamen sacramentorum communio quadam, ut ita dixerim, fidei consanguinitate conjungat. Nec novum sane si semen verbum dicitur, quia et Paulus, cum idem verbum super corda Atheniensium spargeret, ab eisdem *Semini-verbius* vocalitus est. Si autem per hanc Apostoli necem non mors peccati, sed carnis, accipitur, sciendum est quia *crudelis* adversarius, læsionem bonorum semper esuriens, cum (ut supra dictum est) ad interiorum mortem se prævalere non posse concidat, cum aut eibi faciat saltem cornarali-

Judeis, apposuit apprehendere et Petrum. Judæi namque, qui *confitentes* interpretantur, quos alios hoc in loco designant, nisi eos qui, juxta Apostolum, *Confidentur se nosse Deum, factis autem negant?* Possunt tamen Judæorum nomine etiam innuundi spiritus accipi, qui et ipsi in Evangelio, dum de obsessis corporibus pellerentur, quanquam inviti Christum Dei vivi Filium fatebantur. Sed sive perversos homines, seu innundos spiritus Judæorum vocabulo designatos accipiamus, constat profecto quia de honorum afflictione utriusque voto non dispari gratulantur. Unde et idem caput iniquorum ad persequendos bonos tanto expeditius accingit se, quanto se per hoc votis suorum amplius satisfacere sentit. Sed justo morte carnis perempto, pars iniqua exultat, quia videlicet ille e medio subtractus est qui sub umbra suæ protectionis multos ab æstu malitiae defendebat. Justo vero in peccati mortem delapso, tanto amplius lætitia perversis augetur, quanto is qui lapsus est, per vitæ meritum stare alius videbatur. Sed sicut supra, beati Jacobi martyrum juxta historiam venerabiliter amplexantes, quomodo juxta internam intelligentiam accipi possit ostendimus, sic nunc quoque, servato textu historiæ, quomodo juxta eundem sensum hæc beati Petri comprehensionis intelligi valeat ostendamus.

Ad investigandum mysterium comprehensionis, viam nobis aperit ipsa ejus qui comprehensus est appellatio nominis. Sicut enim fere omnes novimus, a *petra* Petrus nomen accepit. Quinam ergo hoc nomine designantur, nisi qui per mentis constantiam fortiter stare in virtutum soliditate videntur? contra quos nimirum hostis tanto acrius pugnat, quanto per illos etiam alios in virtute roborari delens pensat. Et, quia fortassis soliditatem mentis eorum primo impetu tentationis labefactare non sufficit, more aquæ crebro superveniens, duram eorum constantiam rumpit. Nam sicut quidam ait (Ovid. *De Ponto*, lib. iv.) :

Gutta cavat lapidem, non vi, sed sepe cadendo.

Quod etiam divina Scriptura testatur : *Lapides excavant aquæ, et alluvione paulatim terra consumuntur* (*Job xiv. 19*). Cum itaque diabolus fortem virum in laqueum peccati inducit, quasi ad comprehendendum Petrum manus Herodes apponit. Ubi ipsa quoque verborum proprietas est nobis magnopere pendenda. Nam qui supra, ut quosdam de Ecclesia affligeret, manus misit, nunc, ut Petrum comprehendenter, apposuit. Sciendum itaque quia tanto se unusquisque a diabolo minus elongat, quanto ad comprehendendum culmen perfectionis minus apropiat. Unde cum aliquem ex talibus ad culpam

A ut robustum quemque decipiat, multiplices decptionum laqueos necdit. Nulla autem callidi tentatoris arte tam cito virtus pectoris infirmatur, quam cum, roboris sui vires sibi arrogans, privata apud se exultatione ketatur. Nam mox, a superno protectore desertus, in virtutum culmine diu minime perseverat, quia eum exinde ventus elationum perturbat. Ab alto vero corruentem adversarius excipit, cum superno auxilio destitutum per quælibet vitiorum præcipitia trahit. Quasi ergo appositis manibus Petrum Herodes apprehendit, cum illum qui per virtutum iter gradiens procul a se discesserat, protensis fraudum laqueis iterum irretivit. Ad quod astruendum si exemplum queritur, non est opus ut longius evagemur. Quia is ipse Petrus, cuius histriam figurata interpretatione discutimus, in semel ipso partim est expertus quod dicimus. Nam cuius carnem Herodes historicus apprehendit, ipsius animam jampridem Herodes typicus trinæ negationis laqueo, quasi fune torto, tripliciter alligavit. Et certe de suæ firmitatis robore multa jam experientia tenebat : iam Christum Dei vivi Filium confessus fuerat; jam beatum se ore Veritatis audiverat; jam a soliditate inviolabilis petræ Petri agnomen traxerat; jam claves regni cœlestis acceperat: et tamen, post tot et tanta divinæ largitatis munera, cum ad horam Dominicæ passionis ventum est, quia paulo amplius de sua firmitate præsumpsit, sibi met relictus, protinus quisnam esset invenit. Qui certe in æternum periret, nisi illum benignus Jesus intuitu benignitatis suæ respiceret, respiciens emolliret, emolliens ad amaras lacrymas commoveret, commovendo ad lacrymas, crimen quod commiserat iadulgeret. Quo nimirum exemplo nos infirmi ad cautelæ vigilantiæ evidenter instruimur, ut mens nostra, etiam suminis virtutibus prædicta, semper se in humilitate deprimat, semper non esse esse quod est, trepidare cognoscat: ne forte, dum ultra se præsumptionis aura raptatur, quanto se altius extulit, tanto gravius elidatur

C IV. Sequitur : *Erant autem dies azymorum.* Juxta litteram patet sensus, quod scilicet apostolus infra Judaicæ paschæ septimanam sit ab Herode comprehensus : dies quippe azymorum illi septem proprie vocabantur qui quartum decimum primi mensis, quo agnus immolabatur ad vesperam, ex ordine sequebantur. Evangelistarum tamen auctoritas et pascha pro azymis, et azyma pro pascha ponere consuevit, sicut facile est ei agnoscere qui eorum volumina studuerit recensere. Sed nos hæc paucis juxta historiam dixerimus; nunc interiorem sensum hujuscem sententiæ videamus. Ait ergo : *Erant autem dies azymorum.* Dies

in vadimonium ponatur. Etenim sacerdotes personæ debitam reverentiam sacris mysteriis nesciunt impendere, quoniam hic usus non est eis commissus. Fortasse autem contingere potest ut prope arcam vel in ea domo in qua vasa abscondita sunt, committantur adulteria et fornicationes et ea crimina quæ iram Dei provocent. Nam cum in historia Regum legimus Ozam, eo quod calcitrantibus bohus arcam Domini tetigerit, illico interfisse; et in Levitico præceptum sit Aaron et filii ejus ne permettarent filiis Caath vasa sanctuariori ferre vel tangere, ne forte perirent de medio Levitarum; quomodo audet quispiam extra Ecclesiam suam cuicunque personæ, sive clero sive laico, aram Christi vel sepulcrum ejus in vadimonium dare? Quid enim crux est, nisi ara Christi? Et quid calix, nisi sepulcrum ejusdem Domini nostri? Qui ergo aram et sepulcrum in vadimonium ponit, cum Iuda Christum vendit; et qui in vadimonium accipit, cum militibus, ne Christi resurrectionem et gloriam, quam ad sepulcrum Domini viderant, prædicarent, pecuniam a sceleratis Judeis suscipit. Legimus quoque in Daniele regem gentilem Balthasar, eo quod in vasis, quæ de templo Domini pater ejus sustulerat, concubinis suis potum ministraverit, subito manum scriptitatem vidisse, et de scripturæ interpretatione cognovisse mortem sibi instare et divisionem regni sui.

Ego ipse, ut de presentibus interim ioculari tibi breviter exempli causa proferam quod nuper audiui, nescio an ad te quoque fama pervenerit. Accidit in Britannia minori quoddam miraculum. Nam quidam nummularius vasa Ecclesie sibi loco vadimonii in arca reposita servabat; casu

A pueri parvuli super eandem arcam ascenderunt, qui illico in amentiam versi sunt; sed et canes forte ascenderant, et in rabiem efferauti fuerunt. Sensit dominus ultionem divinam esse eo quod vasa sacra, non his deputanda locis vel pactis, pro accommodata pecunia accepisset; nimiumque perterritus fugit ad ecclesiam, quid factum fuerat omnibus intimavit, et sacra vasa quantocius a se emisit, non minori formidine quam olim Philistii arcam fœderis Domini propter imminentem cladem a se expulerunt. Quæ res adeo terra incolas exterruit, ut sceleratiorem quolibet idololatra predicent qui sacra vasa deinceps in vadimonium posuerit vel acceperit. Perpende ergo quanta culpa sit vasa de sinu ecclesie rapere, et sacerdarium manibus committere.

Caveant itaque prælati Ecclesie ne res sibi commissas et susceptam pauperum dispensationem negligenter tractantes, incurvant detrimentum animæ sue. Audivi enim de quibusdam episcopis, sicut in quadam epistola me scripsisse tibi memini, quia sacerdicia arma complectuntur, et militares copias pretio conducunt, et alia similia nequaquam eis convenientia sequuntur. De quibus non ego sed Propheta: *Principes*, inquit, *vestri socii furum*, qui sibi creditam Ecclesiarum substantiam in supradictos usus nefarie effundunt. Spreto quippe episcopali officio, ea appetunt que omnimodo sugere oportet. Unde consilio meo prælati quique, in quantum prævalent, omnes a se occasiones abscondant, quibus innumera damnâ filii suis et rebus ecclesiasticis provenire solent, ut bene ministrantes ab eo mercedem recipient, cuius et locum tenent, et vestigia sequi deberent. Vale.

APPENDIX.

Epistolæ canoniconum Carnotensium, Hildegarii, Guillelmi ducis Aquitanum et aliorum plurimorum.

EPISTOLA CXIV [olim CIX]

Clarissimo Turonensem archiepiscopo II. A. decanus et tota congregatio canoniconum Sanctæ Marie Carnotensium prona atque devota fidelitatis obseruum et orationis suffragium

Nuper antequam Romanum iter agere cœpisset beatissimus Pater noster Fulbertus (49) episcopus vestro, ut scitis, dulci usus est colloquio. Unde reversus dum quadam die in conventu nostro reside

(49) Fulbertum Romanum cum Roberto rege petuisse peregrinationis causa suspicor. *Rex etenim Robertus*, inquit Paulus *Æmil.* in illius Vita, cum

ret, de ipso itinere nobiscum agens, conquerentibus nobis post abscessum ejus multa nos a pluribus adversa passuros, et nominatim a Fulcherio ejusque nepotulo, suorum quoque manipulis furum, ille constanter et confortatorie, ut solet, in talibus respondit: Malorum injurias boni æquanimiter ferre debent. Ut enim ipsi legitim in quadam homilia beati pape Gregorii, *bonus non sicut, quisquis malos non toleravit.*

Adjicit præterea se vobis inde fuisse loculum,

tatis armatus. *Antiphonas* sacraque responsa quadam edidit, judicio Ecclesie universæ probata receptaque; ejusmodi sunt: *Sancti Spiritus, O Constantia mar-*

vos etiam illi et nobis prodesse, de ipsis malefacto-ribus adjutorium promisso. Quod si necessitas urge-ret, præcepit statim vestræ paternitatis solatum nos adire. Quod nunc facimus, potentissime Pater, variis pulsi tribulationibus. Nam ut alias omittamus, illi analhematizati, quorum supra meminimus, postquam dilectissimus pater noster viam suam tenuit, terras nostras quæ sunt in ministerio, Heruci et Tetoldi, quasi lupi caulas ovium irrumptentes, nobis inmeren-tibus prædati sunt. Neque etiam rabidis eorum mor-sibus ovium damna suffecerunt; imo vero ad de-vastandam quamdam pastoris ipsius potestatem quæ dicitur Ermenulphi villa, se converterunt. Proinde rogamus vos, justissime Pater, ut propter amorem sanctæ sanctorum Domini nostri, cui servimus licet indigni, ipsius quoque dilectissimi vestri, qui in vobis plurimum confidit, et nos abiens vestro patro-cinio commisit, prædam suam et nostram reddere faciatis, cum nepote vestro Gaudfrido magnopere satagendo, quatenus ipsi lupi res domini præsulis et nostras deinceps non diripient, vel donec annuente Deo ipse redeat. Valete et vos supplices vestros, quidquid de iis egeritis, mandando rescire digna-mihi.

EPISTOLA CXV [olim CX].

(Anno 1022.)

Venerabili LEX. pont. HERB. congreg. canon. Sancte Marie Carnot. plurimum salvare et orationis sus-fragia.

Julies, inclyte præsul, nos dare tibi circadas (34) de ecclesiis nostris quæ sunt in episcopio tuo. At nos serenitati tuæ verum quiddam intimare volumus, scilicet quod episcopi Beatae Mariæ, in quorum diœcesi possidemus ecclesias, hunc semper amoris et reverentiae cultum exhibuerunt sanctæ sanctorum Domini nostri, ut a nobis ejus licet indignis famulis nequaquam exigerent id obsequii quod requiris. Vide, queso, ne importuni vocemur, dum rogamus te, benigne Pater, ut, honesta sanctorum Patrum sequens vestigia, nos hujus pensionis angaria nullatenus obliges, ne in hac parte nobis officiendi primus auctor ipse noteris. Optamus enim potius, non parvo tuæ ipsius utilitatis amore ducti, in albo felicis ordinis beneficiorum nostrorum te recenserit, ut cum pro illis, tum etiam pro te juge Domino sacrificium offerentes, ac humanitatis tuæ beneficia coram illa recitantes, dignum te libro quoque vitæ cœlestis inseri prædicemus. Præterea non arbitramur notitæ tuæ amplitudinem præterisse dominum nostrum Fulbertum episcopum, cui te valde charum esse sci-mus, Romam pergere. Quod ideo memoramus, ut, si liberalitati tuæ placuerit nostræ petitioni favere, nos id illi, cum redierit, innotescamus, tibi quidem pro-

A hoc bene ac sapienter facto nimium gratulatu-ro. Quod si non oramus, saltem nos exspecta supplices tuos : illum reversum super hoc consultum ire debentes, a cuius nutu pendent nostra consilia, neque interim ullum interdictum facias ecclesiis nostris. Bene agendo valeas, de sacrario tui pectoris quid oraculi super hæc egrediatur nobis rescribere ne graveris, iterum iterunque ac semp'r valeas.

EPISTOLA CXVI [olim CXI.]

Amicus amico HILDEGARIUS SIGFRIDO totius boni suf-ficientiam precatur.

Dum apud nos morareris, inter primos amicorum meorum habitus, quid mihi tuis obsequiis plerumque dedito pollicitus sis, memorem te esse puto. Ipse tamen ejus rei te commoneficiens, rogo ut secun-dum prmissionem tuam mittas equum ambulato-rium, qualem te dare, nos quoque recipere deceat : cum illis equidem sentio qui amicitiam non propter se tantum, sed et propter utilitatem censem esse expetendam. Diu vivens et bene agens præmio æternō potiaris.

EPISTOLA CXVII [olim CXII.]

HILDEGARIUS, domini Fulberti discipulus, SIGFRIDO Ric. com. capell. adhuc salutem.

C Verbis tuis fidem minime servans diu me sesellisti. Unde, cum me deceptum esse doleam, tum pro mendacio tuo pudor mihi maximus ingeritur. Non enim deceret tantam personam probrosu[m] falsitatis nomen subire. Horrendum etiam esset in sacrilegii crimen incidere, quia, sicut legitur, *Verba sacerdotis aut vera aut sacrilega*. Obsecro itaque per sanctam amicitiam quæ inter nos esse debet, ut honestæ veritatis famæ te reconcilies, mittendo mihi ad præsens per Gauterium monachum olim meum, merito mihi præmissum abs te caballum. Quod ni feceris, noveris te funditus ab amore nostro decidisse, teste conscientia mea, dixerim, in hoc quod ego te rogo, non magis utilitatem meam quam tuam et simul honorem exopto.

EPISTOLA CXVIII [olim CXIII.]

Quem puræ dilectionis affectu colit seniorem suum E. HILDEGARIUS plurimum sa. uis.

D (51) Potionem lera, quam dominus præsul tibi mittit, sumes cum aqua calida ante crepusculum diei. Nocte qua debes eam accipere, non coenabis ; et ipsa nocte positam potionem in vasculo, in quo distemperanda est, asperges salis gemma, vel, si haec non adest, delicato sale ad pensum unius scripuli. Accepta potione sedeas ante focum absque ullo tumultu, cavens tibi penitus a frigore ; et, si paulum cubueris, non nocebit : nolo tamen ut dormias. Cum primum senties moveri tibi ventrem, deambula pedentim, et sic ad recessum vade. Si propter exactiones ante viginti annos impositas non affi-

solutionem tandem ceperit te sitis, nequaquam subibes, nisi paululum aceti cum aqua calida misti, propter stomachum diluendum seu relevandum: quod etiam non urgente siti facere poteris, solutione tropemodum vocante. Prandere distres quoque senties catarrhicum nihil amplius operari velle. Cum sederis ad mensam, vide ne quid nimis, neque manduces aliquid stipticum vel plus aequo salsum. Plura de observationis modo notarem, nisi pauca sufficerent sapienti. Hoc tamen scribere me jubet nescia simulare charitas, ut talem potionis hujus sentias effectum, quatenus semper incolumis perseveres. Vale.

PISTOLA CXIX [olim CXIV].

HILDEGARIES G. *verba transformare in act.*

Tuæ, mi domine, charitativae promissionis nuntium hactenus sustinens laboravi nimium. Sollicitus namque quid tuæ celsitudini mœsi parvitiati placuisset designare, percunctabar unde sese recipieren viatores quoque pendens, ab urbis vallo hue respiciente. Nemine vero dante responsum tui de parte, mœstus re libam domum jam facta nocte. Sed quia in humanis perfectum nil exstat ex toto, humano parcimus ingenio. Peto tamen ne prorras in verba talis execrationis, quin quod pollicitus es adimplere studeas sine fuso dilationis: igitur, ut certiorem reddas, mando et deprecor quatenus innuere digneris quid me agere jubeas. Nolo, mi domine, hæsites in calamis, bonum opus habens in animo, quoniam in perfectione erit ex Dei auxilio. Vale.

PISTOLA CXX [olim CXV].

Guillelmi ducis Aquitanie ad Hildegarium.

(Vide infra in **GUILLELMO ad an. 1050.**)

PISTOLA CXXI [olim CXVI].

HAN. præsuli II. Turonensis archiepiscopus salutem.

Quamvis tua nuper ad me directa epistola sibi condigna mereatur rescripta, satius tamen existimavi responsis interim suæ contumacie debitissupersedere, quam tuae saluti quantum ad nos non consulere, et inter consulendum quibusdam epistolæ locis discrete et humiliiter non respondere. Medicorum enim est melancholicis sive maniacis, seu qualibet alia valetudine laborantibus, licet ingratiss et conviciis artificiis lacescentibus, nihilominus tamen sue artis experimenta impendere, et ut eurentur attentius insistere. Unde et me nec professum quidem medicum, quippe imperitissimum, si tamen ad hoc jure prælationis utcunque provectum, qui te si exorbites debeam corrigere, oportetque ex coemptis sanctorum Patrum medelis tibi, licet ingrato, medicari, et ut cureris, velis nolis, insistere. Sed priusquam ad hoc veniam, libet, ut dixi, quibusdam tuae epistole locis obviare: nam cetera, quæ plurimam par-

A dum proposuit. Quod si bene advertisses, inco sulatum non dixisses. Inconsultus igitur fecisti, qui te, ut post clarior liquebit, in pejorem partem flexisti. Non temere vero ac non sine culpa te et tuos suis interdictos, testantur reliquæ vinearum in quibus vestra fixisti castra. Quod in exemplum datum cæteris quibus accerrime culparis fidem facit. Te quoque vocatum esse, qui tibi missas a me sciat litteras, quis vel insanus non asserat? Te igitur, frater, rationabiliter pro tua culpa et canonice vocatum et a divino officio separatum recognoscendo plange, et plangendo ad satisfactionem revertere. Quod si quadragenario vocationis spatio lege canonum te defendere niteris, scio quia singulares causæ vel personæ non præjudicant legi. Nam te in furorem versus,

B et ex præsule ducem tot armatorum factum, totam nostram patriam crudeliter vastare cernens, ferrum, ignes, diversaque nobis mortes minatum, imminentique plage quadragenariae vocationis spatium ut desisteres nihil videns prodesse, venabulum mox tibi excommunicationis opposui, ut eo saltem viso territus, te et tuos vel ad momentum refrenares, et præsulem quem amiseras recognosceres. Sed tu maluisti illo excommunicationis venabulo consigli, quam a cœpta tyrannide vel ad punctum refrenari. Nam quod dicens te regis hoc jussu fecisse, nec nego, nec affirmo, nec quid hoc levet intelligo. Cujuscunque enim hoc jussu feceris, eadem culpa ac si nullus jusserit urgeris. Nam ad exaggerationem tuae culpæ ista satis transgressio sufficit, quod præter mea tui archiepiscopi consulta, contra canonicam auctoritatem tale aliiquid incipere præsumpsisti: quodque etiam me jubent: non debutisses facere, hoc te ipso consultore fecisti. Quod autem ais te in malum Odonis agere impulsi, nec etiam ei paluitem destruxisti, sed vineas canonicorum sancti Mauritii, præter cætera quæ in tuam matrem Ecclesiam jussu tui D. Fulconis intulisti opprobria, radice tenus comminuisti. His de causis excommunicatorias tibi litteras, quas contra jus et fas audacie notas dicens, misi. Nec te oportuit tuum magistrum et dominum tam temere reprehendere, ut a tuo incepto resipisceres, transmisi, non ut te vellem flecti in eam partem qua corrueisti. Quod discrete an indiscretæ fecerim, tua juridicalis libra penset, qui consultorem querere mones. At si indiscrete ac sine causa temerariam in te, quod absit! excommunicationem intorsissem, sustinere tamen judicium tui pastoris, et a sacra celebratione cessare debuisti. Quod quia non fecisti, et consultrice superbia tui magistri interdicta parypendisti, prudens in voraginem te excommunicationis præcipiasti. Accipe super hoc quid beatus Gregorius dicit: *Utrum,*

*factoressui judicium temere reprehenaat, ne, et si injus-
ste ligatus est, ex ipsa tumidæ reprehensionis su-
perbia culpa quæ non erat fiat.* Hactenus beatus
Gregorius. Hac igitur, frater, argumentatione convi-
ctus cum sis, excommunicatum te recognoscendo
iterum plange, et plangendo ad satisfactionem re-
vertere.

Atque his tue epistolæ locis tantum nos respon-
disse sufficiat, cæteris aliquis otiosus respondeat.
Nam ego illa quæ magis sunt necessaria et pollicitus
sum II. fratri prosequar. Contemplor ex motibus tui
corporis diversa genera passionum tuam germinare
animam: quibus si aliquo medicamine, priusquam
in vires prodeant, non occurritur, mirabilem tue
animæ generalib[us] mortem. Sed congrua cuique
passioni ignorabitur medicina, nisi origines, et, ut
ita dicam, radices earum, intentissima discretione
fuerint exploratae. Omnium itaque passionum animæ
unus fons atque principium est. Secundum qualita-
tem vero partis quæ in anima vitiata fuerit, una-
quæque passio vocabulum sortitur. Quod et corporalium
morborum docetur exemplo. Si enim vis
noxii humoris obcederit caput, *cephalalgica* passio
nuncupatur, si pedes, *podagræ*, si manus, *chiragrica*
nominatur. Totque vocabula unius humoris sortitur
incommoditas, quot membrorum obcederit portiones.
De visibilibus ergo ad invisibilia transeuntes, unius-
cojusque animæ partibus unumquodque vitium inesse
credimus. Quam sapientissimi quique tripartite de-
finierunt esse virtutis. Nam et rationabilis est, et
irascibilis, et concupiscibilis. Secundum ergo qua-
litate[m] vitiatae partis, infectio cuiusque pestis nomi-
natur: nam si rationabilem partem infecerit, cen-
odoxia, elationis, invidiae, superbiæ, præsumptionis,
heresos vita procreabit. Si irascibilem vulnerave-
rit, fuorem, impatientiam, tristitiam, acediam,
pusillanimitatem, crudelitatemque parturiet. Si con-
cupiscibilem infecerit portionem, gastrimargiam,
fornicationem, phalarygiam, et desideria noxia ter-
renaque generabit. Animadverto igitur, frater, ex
motibus tui, ut dixi, corporis, tuam animam suam
generare mortem. Nam cum tu tantam in me, tuum
præsertim magistrum, superbiam, contemptionem
et præsumptionem demonstrares, apparet rationa-
bilis tue animæ partem miserabiliter esse corru-
ptam. Certis enim judicis hæc tria in te notantur:
superbia videlicet, quod tam superbe archiepiscopo
respondes; contemptio, quod sua interdicta par-
viperdis, quæ, licet injusta, quod absit! essent, tamen,
sicut superius probavi, timenda tibi esse debuissent;
præsumptio quoque, quod juste an injuste interdi-
ctus ad sacram celebrationem accedit. Quorum
trium judicia rationabilem, ut dixi, animæ tuae par-
tem prædicant esse vitiatam. Reliqua autem si qua
in te germinant tute ipse videris. Nam huic ego parti

A ad mortem insixus es, satisfactionis medela non
subveniret. Quo, ut dico, per satisfactionem sanata,
tumores illico superbie, contemptionis et præsum-
ptionis quos in tuam animam induruisse suspicor,
falsa discretionis amputabis.

Deinde amputationis illius vulnera recentia, ne
aliquam aliam passionem generent, pœnalis cauterio
timoris ustulabis, quam usturam ne frigus impietas
tangat, charitatis ardore et oleo sovebis misericordiæ. Quod si ita feceris, et superbia illa, qua insti-
gante responsa in me tam torva jaculatus es, et con-
temptio, qua meum interdictum parvipendis, et
præsumptio, qua excommunicatus ad sacrae celebra-
tionem accedis, peribunt. Et rationalis pars tue
animæ magna ex parte ad incorruptionem revertetur.

B Post hæc autem has virtutis species, humilitatem, patientiam et obedientiam in unum melle divinorum eloquiorum conficies, et in buxula tue mentis hoc
antidotum diligenter recondes, unde quotidianam tua anima diætam sumens, non solum has pestes in perpetuum non germinabit, sed etiam a cæteris omnibus incorrupta fulgebit. His te, frater, mouens, non fastu doctoris efficer, sed officium meæ præla-
tionis trepidus exsequor, quibus si annueris, tue, ut arbitror, saluti providebis. Si autem, quo absit! aliter pariter neglexeris, quod meis repugnat factis (sic), ab hoc te errore Dominica voce reproto, qua ait: *Super cathedram Moysi sederunt Scribæ et Pharisæi; quæcumque ergo dixerint vobis servate et facite, secundum vero opera illorum nolite facere: dicunt enim et non faciunt (Matth. xxiii, 2).* Scribis enim et Pharisæis, ut tu ipse melius nosti, commissa erat doctrina legis, ut eam exponerent auditoribus suis. Ideo Dominus dixit: *Super cathedram Moysi sederunt Scribæ et Pharisæi, id est, super doctrinam legis; quorum dictis, posthabitis factis, auditores obti-
pperare jussit, cum ait: Quæcumque ergo dixerint vobis servate et facite, secundum vero opera illorum nolite facere.* Pharisæi enim quod docebant malis operibus destruebant, quod Dominus subsequenter adjunxit: *Dicunt enim, et non faciunt.* Tales sunt modo in Ecclesia episcopi, presbyteri et abbates, qui bene docent, et male vivunt; de quorum numero et me esse consiteor. Sed tamen quia super cathedram doctrinæ et prælationis, licet indignus et imperitus, nec dicta factis compensans, sedebo, si quid boni a me in illa cathedra sedente præceptum tibi fuerit, Dominica, ut audis, admonitione observare debebis. Quod si neglexeris, Dominicis præceptis apertissime contraibis. Vale.

EPISTOLA CXXII [olim CXVIII].

(Anno 1014.)

Guillelmi, ducis Aquitanæ, ad Arberatum abbatem.

(Vide infra in GUILLELMO.)

EPISTOLA CXXIII [olim CXVIII bis].



eo magis gauderem, præsul optime, quo vobis saepius placitura facerem. Noverit ergo serenitas vestra quod libentissime ventrem ad pretiosissimam dedicationis templi vestri solemnitatem, nisi detineret me causa hujusmodi: Dominus noster Guillelmus comes, habito consilio cum Italibus, præcepit mihi, et dominis meis Isloni atque Rohos coepiscopis, sua quedam seria procurare, quæ nullatenus sunt nobis postponenda. Hac de causa, quia charitatem vestram invitatus adire nequeo, non parum animum meum occupavit ægritudinis affectus: sed hoc consolor, quia spero me per Dei gratiam alias officiis vestris alacriter adsuturum. Valete coram Deo in sanitate digna.

EPISTOLA CXXIV [olim CXIX].

Guillelmi ducis Aquitani ad Leonem Vercellensem episcopum.

(Vide infra in GUILLELMO.)

EPISTOLA CXXV [olim CXX].

Domino suo charissimo FULBERTO præsuli H. omnium expetendorum summam.

Quod ante vindemias non reviso vos, Pater, dilectissimi fratris B. morbus me detinet, cum opportunum fuerit, a nunte Deo, libentissime id acturum. Scripto vestro interim quæso mihi innotescere quomodo vos agatis, et qualiter condiscipuli mei se gerant in scholis, et an melius solito celebrent canonicas horas. Mitto vobis unum ex duobus libellis quos amicus noster comes G. rogavit transcribi. Immissum enim hunc librum in area mea celabat oblivio, putante me illum vobis esse delatum. Si vos vel vestros in quærendo laborare feci, mea culpa. Salute, precor, vice mea dominum meum Sigonem et Iliduimum: priorem, animum meum, et alterum animæ meæ dimidium. Cæteri vestri omnes salvi sint in Christo, summa omnium salute vos protegente. Amen.

EPISTOLA CXXVI [olim CXXII].

Fratri E. HILDECARIUS omne bonum optat.

Volo scribas mihi, charissime, quam bene tibi procedat scholasticum officium a domino meo præsule, rogatu meo, nuper tibi commissum; quantum ejus gratiam inieris, qui te demulcent, qui mordent, quam incolmis tute consistis. Prosperitas tua salus mihi est, adversitas ægritudo. Valeas semper in Christo.

EPISTOLA CXXVII [olim CXXII].

Arch. I. humilis episcopus æternam salutem.

Magnas gratias referimus vestre charitati, petitionem nostram explere sub rationabili conditione promittenti. Cui conditioni velle nos alacriter deseruire, sed minime posse, magnitudini vestre notum facimus. Doctores enim itineris ipsi multis occupati mittere vobis non possumus. Nec ab ipso comite Vu. querere valemus, quoniam abest in expeditionem

A lunus præsentia vestra gaudere, aliquo vestri incommodo obiter vobis illato turbemur: quod si accideret, lætitia vestre solemnitatis in maximum verteretur mœrem. Valete feliciter.

EPISTOLA CXXVIII [olim CXXIII].

(Anno 1024.)

Quem jugiter in präcordiis animæ suæ sovet D. et patri suo F. HER. perpetuo vigere.

Dux noster Guillelmus vobis amicissimus prosecuturus est in Italiā die Jovis proxime venturo, sciscitari de causa filii sui, si cum honore et incolumitate sua fieri queat. Itali enim elegerunt eum sibi ad regem, facientes ei sacramentum, et Italia regnum concedendi, et Romanum imperium acquirendi, per rectam fidem, quantum possunt. Hac de causa præcessurus est prudens pater filium, quem supra dixi, cum ipsis deliberaturus. Nunc ergo prudentiæ vestra est decernere utrum ad nos illo absente veniatis juxta condictum. Si veneritis, virtutalia vobis Deo largiente non deerunt. Unde quodlibet vobis placuerit, litteris mihi rogo significari. Interea et semper cum omnibus vestris bene valeatis, sanctissime Pater, v. tæ nobis dulcedo pariter et gloria. Si transieritis Bituricas, cum Odone de Dolis amice loquimini. Inveni illum in Romano itinere prudentem virum, et spero vobis obsequientissimum fore, si quid obsequii vultis ab eo; est etiam coniti nostro Guillelmo satelles fidelissimus et familiarissimus. Fulco comes appellatus a comite Guillelmo ne vobis inter vias technam moliatur, respondit in vera fide, sicut vobis visum est, nullam se moliturum; velle etiam sibi præmandari vestrum adventum, ut conducat vos per sua. Prosperum iter faciat vobis Deus salutarium nostrorum.

EPISTOLA CXXIX [olim CXXIV].

Guillelmi ducis Aquitaniæ ad marchionem . . .

(Vide infra in GUILLELMO.)

EPISTOLA CXXX [olim CXXV].

Leonis Vercellensis ad Guillelum ducem Aquitaniæ.

(Vide infra in GUILLELMO.)

EPISTOLA CXXXI [olim CXXVI].

Guillelmi ducis Aquitaniæ ad Leonem Vercellensem episcopum.

(Vide infra in GUILLELMO.)

EPISTOLA CXXXII [olim CXXVII].

Domino suo FULBERTO HILDECARIUS fidelis ejus ad votum omnia bene contingere.

Priorem tuæ pœnitentiarum causam, super honore beati Hilarii suscepito, justam esse novi, Pater. Obsequens igitur mandatis tuis, cum sim tuorum minimus, vixque necessarii nomine dignus, illud competenter dixerim quod tu præsentia carcere multum mihi sit incommodum, ut pote rudi, quotidie tuis eruditioribus egenti, nec non ab obsequio almæ Dei Parentis jam diu vacanti: ferre tamen

mihi exinde proventura coram Deo et hominibus gratia ! cuius spe vehementer captus mirum in modum a clientela tua tandi abesse et a supradictæ dominæ servitio quasi emancipari pertulerim : tanti eset mihi præterea quamdam famæ tue minorationem abigi ! quam ingruentein video, nisi quod tu ipse loco suscepso præfueris. Sed cum te plus biennio detinuerit hinc sollicitudo pastoralis, hinc principum discordia, nec scio quando nisi illis oheuntibas componenda, orturis forsitan aliis pluribus causis te itidem remoraturis, vix ausim sperare te vel semel Pictavorum fines revisere, et, prout geris animo, illi egregio confessori Christi deservire. Spectabo tamen etiam. adbuc, sicut promittis, vice tua quod potero serviens interim, ketum rei exitum mihi tibi annuere Dominum assiduis vocibus et anhelis precibus orans. Dic, quæso, Pater, quis unquam tiro sine duce militavit? Quis alto mari sine remige credere se voluit? Guillelmus comes amicus tuus et canonici nostri te resalutant adhuc fidelerit. Jordanus etiam Lemovicensis episcopus, cui olim suffragium præstisti apud archiepiscopum Bituricensem, plurima te salute impertiens rogat suppliciter ut mittas ei Vitam sancti Leonardi, in episcopatu suo quiescentis, ut aiunt (52); sicubi reperire poteris, pulchre dicas hoc feneratum esse. Ex mea quoque parte non vos pœnitentia, te dico dominum meum, charissimum tuum quoque Sigonem, probis moribus et artibus magnum, centenas millenas excipere salutes. Ne te, quæso, scripti mei tædeat et ineptiarum. Quædam legatis dicere jussi quæ audire poteris cum volueris. Vale, charissime Pater

EPISTOLA CXXXIII [olim CXXVIII].

*Guillelmi duci Aquitaniæ ad Fulbertum
(Vide infra in GUILLELMO.)*

EPISTOLA CXXXIV [olim CXXIX].

*Domino suo FULBERTO episcopo HILDEGARIUS servulus
ejus gaudium perpetuae salutis.*

In litteris amici tui G. comitis multam deprehendere potes erga te benignitatem, familiaritatem, amicitiam, sustinentiam quæ non opus est mihi exponere tibi optime scienti. Vita tua ac illius comite, non amittes susceptum honorem, si tenere volueris. Suadeo ergo ne facias vel scribas ei repudium, si intelligis fore tibi utile et ecclesiæ tue restorationi, et si est tibi animus et facultas ad ipsum veniendi, ut rogas, et mihi vicarium subrogandi vel socium addendi. Nullatenus enim ferre possum, nisi jussione tua coactus, vel absentari penitus me, vel abesse diutius obsequiis almæ Dei Genitricis et tuis, desiderans ut cervus ad fontes aquarum tuis plenius instrui documentis, omni auro

A oculis prophetans, in præsentique filium non videns, multa mihi bona in posterum provideas. Feria secunda post octavas Pentecostes proflicscar ad te, si potero, resciturus utrum venias ad comitem in natali sancti Joannis. Vale.

EPISTOLA CXXXV [olim CXXXI].

Domino R. venerando atque amabili decano Sancti Hilarii H. aeternam salutem.

Multæ vobis gratiae referantur ex parte Dei et domini mei episcopi, et mea, quod, sicut dicitis, rem Sancti Hilarii bene custodistis. Hinc profecto vos ejus fidelem esse amicum et nostrum, quorum vicem exequi studueritis, certissime probatis. Quia vero nobis in præsenti vos audire non licet, de quibus nos interrogastis, significare curavimus, ut triginta quinque libras, et alias quas vobis dimisi, in opus Sancti Hilarii per consilium boni ducis Guillelmi expendatis, nullam mihi partem reservantes. Non enim possum me intromittere amplius de officio Sancti Hilarii, cum etiam via sit mili et domino meo episcopo difficilis propter sæculi malitiam quam nostis, et ita Sanctæ Marie servitio teneat astrictus, ut ab hoc sine damno vel culpa dimoveri nequeam. Sed et ipsius Dei Genitricis eminentiam apud Sanctum Hilarium, si qua ex me est, hujus rei deprecari posse reor offensam : nec enim illum honorem cuilibet inferiorum postposuerim, sed [si] clientele Matris Domini, quæ etiam archangelorum omnium dignitati prælata est, jure, ut puta ejus alumnus quantulus- C cunque, me reddiderim. Dicetis ergo illi prudentissimo duci ex parte domini mei episcopi, ut tali rectori committat locum Sancti Hilarii, quem nec difficultas itineris, nec imperitia ecclesiastici ordinis ab-ejus obsequio delineat. Et haec sunt rationes de quibus Reginaldus vice dominus ad seniorem meum episcopum locutus est, et unde talem vobis finem mandamus. Nunc vestram charitatem, quæ semper mihi fuit præsentissima, rogo, dilectissime, ut omnes clericos domini nostri dulcissimi ac beatissimi Patris Hilarii, a parvo usque ad majorem, ex meo nomine salutatis, et omnibus orationum fidelia dicatis. Ipsi etiam comiti centenas millenas salutes ex mea parte conferatis, quem præ omnibus laicis diligo, memoriæ ejus in orationibus meis ad Dominum faciens, qualescumque ei, pro amore et beneficiis quæ mihi exhibuit, indesinenter gratias agens. Similiter autem dominum meum Isementum episcopum salutate, obsecro, cuius in me benignitatis ac hilaritatis quanta fuerit gratia, nullatenus dicere me sinat probitatis ejus immensa magnitudo. Sed et filium comitis et dominam comitissam, nec non et alios, quorum benevolentia eti si immeritus gaudeham . eodem

EPISTOLA CXXXVI [olim CXXXI].

(Anno 1029.)

*Sacra Senonensis archipræsui LEOTHERICO canonici.
Sanctæ Mariæ Carnotensis in Christo salutem et
għidu fidelitatis obsequium*

Multum miramur, venerande Pater, quod bonis initiis tam malos exitus habuisti: videlicet quod nobis pastore parentibus, in altero substituendo primum bene favisti, et postremo sententiam tuam depravasti, alium [quam] quem nos elegeramus ordinando. Ne autem dicas ignorasse te electionem nostram, mandavimus tibi per diaconos nostros, Odelerium et Frotmundum, elegisse nos A. decanum, cum litteris nostris id ipsum continentibus; qui talis nobis videbatur, qualem episcopum ordinari debere dicit concilium Carthaginense quartum. Quod si posthæc alium tibi obtulerunt vel rex vel aliqui ex nostris minus sapientibus, oportuisset te causam diligenter attendere, et inter nos ipsos dijudicare, quorum senior haberetur electio, sicut in decretis Leonis papæ significari optime nosti his verbis: *Ille omnibus præponetur, quem cleri plebisque consensus concorditer postularint: ita ut, si in aliâ forte personam partium se vota divisorint, metropolitani judicio is saltem alteri præponatur, qui majoribus et studiis iuvatur et meritis.* Volumus autem scire te quod ipsam electionem nostram mandavimus domino regi per suos monachos, Hernaldum priorem et Restaldum præpositum sancti Dionysii. Quibus, objicien- tibus nobis de Theodorico ordinando regiam voluntatem, injunximus ut dicerent regi ne id temere fieri juberet. Vocaret autem nos antea, si sibi place- ret, ad curiam suam, vel sue voluntati consensuros, vel cur dissentiremus ostensuros. His vero dictis nostris ipse dominus rex contemptis, qualem sibi tibuit personam absque nostra petitione ordinari violentus acceleravit. Immemor fortasse illius dicti Constantini Christ. imperatoris, de violentia principum contra se et contra alias principes ita se habentis: *Quocunque, inquit, contra leges fuerint a principibus obtenta, non valeant.* Sed, ut ad præsens de ipso taceamus, qui sane viderit utrum omnia recte agat, nec post factum pœnitiat? Ad te, Pater, querimonia nostre flectimus articulum, quem Ecclesie nostre curam neglexisse, imo auctoritati tue derogare ve- hementer dolemus, posthabito supradicto Leonis papæ decreta. Quod si observasses, rationabiliter utique egisses, et bene nobis, ut filii pater, consu- luisses. At ipso violato quam multa alia sanctorum Patrum violaveris, tute considera. Nos tamen pauca tibi de multis scribimus. Legitur in decretis Cœlestini papæ: *Nullus invitis detur episcopus: cleri, plebis et ordinis consensus et desiderium requiratur.* *Ni poteris: Cir facultas clericis tenendi, si se*

*A ad eligenda episcopum convenerimus, si qua contradic-
tio fuerit aborta, quia talia facta sunt apud nos, non
præsumant, ad purgandum eum qui ordinandus est, tres
jam, sed postulentur ad numerum supradictorum du-
vel tres; et in eadem plebe, cui ordinandus est, discu-
tiantur primo personæ contradictientium. Postremo
illa etiam quæ objiciuntur pertractentur, et, cum pur-
gatus fuerit, sub conspectu publico ita demum ordi-
netur. Ecce quomodo Patrum sententiae violentur.
Nobis enim invitis obtrudere vultis episcopum, nec
conceditur nobis liberum, de eo qui nos recturus
sit, habere judicium; et, cum huic qui ordinandus
erat contradiceretur, minime purgata sunt quæ
objiciebantur, nec personæ vel rationes contradic-
tentium discussæ. Quæ cum ita sint, cumque legem
B canonicam in hoc negotio multimode solveris, ino-
nemus te non increpando, neque dijudicando, sed
affectu filiorum obsecrando, ipsi legi quam offenderis
reconciliatum iri, confitendo culpam et pœnitendo.
Nec pudeat te dicere necessariis tuis secreto Domini-
num timentibus, et in lege ipsius bene eruditis, jam
tandem te animadvertisse ea quæ sunt contra sta-
tuta canonum non debere stare, sed et facientes
pœnitere oportere. Quod si forte rex auctoritate tua
deinceps corroborari voluerit, quod sine solutione
canonum stare non possit, videris, Pater, ne adjicias
peccatum super peccatum: sed aut, quantum poteris,
id corroborare dissimula, aut manifeste salva legum
auctoritate id te exequi non valere proclama.
Postremo suppliciter oramus hæc scripta nostra
C minime publicari, quæ apud tuū chari pectoris se-
cretum promere audeamus. Rescribe vero nobis si
quid tibi videtur contra hæc rationabiliter oppo-
nendum. Augeat tibi Deus Spiritum consilii et for-
titudinis, sapientiae et intellectus.*

EPISTOLA CXXXVII [olim CXXXII].

*Sanctis præsulibus G. Belvacensi, O. Aurelianensi,
A. Turonensi, clerici Sanctæ Mariæ Carnotensis,
famuli eorum et fratres in Domino salutem.*

Conquerimur apud vos, Patres, de archiepiscopo nostro, et rege, qui nobis invitis episcopum donare volunt quemdam idiotam, ut scitis, et ejusmodi officio indignum; precantes auxilium vestrum ut vigiletis sicut boni Ecclesiæ pastores ad portas ejus, ne introeat in illam ille talis, qui non quæsiverit intrare per ostium, sed aliunde ascendere, sicut sur et latro (*Joan. x, 4*). Vobis tribus portas custodientibus, sciatis pro certo quartum custodem addi, Odonem comitem, et nunquam recepturum illum in civitatem suam, nisi prius vestro judicio ex- minatum, utrum recipi debeat an non. Vigilate igitur attentius, et diligenter inquirete causam cum vestris sapientibus clericis, et nobis famulis vestris, si dignemini, nec propter regis reverentiam hoc

ramus factum esse monachum, nihilominus tamen nos eum optare nobis fieri episcopum; cum reprobus fuerit ille lupus, quem probare potestis indignum. Quod vos invicem caute et diligenter et secrete deliberare petimus, utrum fieri possit an non, et nobis servis vestris ac fratribus deliberationis vestrae finem innotescere, sive litteris, sive legato fideli. Haec autem verba nostra videte interim ne publicentur. Valete.

EPISTOLA CXXXVIII [olim CXXXIII].

Quem super omnes abbates diligunt sanctissimo patri O. canonici Sanctæ Mariæ omnium virtutum gratia præfulgere.

Obsecramus vos in nomine sanctæ Trinitatis, ne faveatis contra jus et fas partibus Theodorici simulati episcopi, neque suadeatis Odoni comiti facere cum eo concordiam contra sanctorum canonum auctoritatem. Clarissimum speculum posuit vos Deus in mundo, videte ne qualibet nigredine obscuremini, qua offuscentur alii; sed semper vero lumine resplendeatis, quo et alii possint illustrari. Valete, beatissime Pater, et rescribite nobis quid melius de hac causa vobis videtur.

EPISTOLA CXXXIX [olim CXXXIV].

In Christo sibi dilecto semperque diligendo domino RAINALDO HILDEGARIUS servus ejus fidelis, quæ retro sunt oblisci, et jugiter in anteriora tendere.

Causa charitatis pollicitus sum conversari me cum

A Hereberto nepote tuo, usquequo fruges novæ colligantur, amice illum habitudinis, interim quasi praesentie tuæ vicarium. Scripta quæ tibi mitti poscis, partim mittimus; partim minime, quia non sunt missu facilia: quæ vero mittuntur, et difficilia sunt cognitu et pernecessaria, de sacramento videlicet corporis et sanguinis Domini; quæ si non digne ac fideleriter percipimus, vivere non habemus. De cogitationibus autem quæ se nolentibus nobis ingerunt, ita sentiebat charissimus pater noster Fulbertus: nil eas nocere, si tandem menti minime placherint; signo crucis abigendas esse ab animo, velut muscas ab oculis importunas; rationem ponendam esse mentis custodem, rerum utilium receptricem, quibus dum occupata fuerit, ab inutilibus impeti vel penetrari non possit: cui sententiae multas alias in Vitis Patrum consentientes reperire potes, quæ tuum animum optime relevabunt, opitulante Christi gratia, sine qua nihil valemus vel sumus. Cætera vero quæ ad præsentem non mittuntur, quia nec adeo scriptu facilia, nec satis idoneum gerulum habere modo videntur, Deo volente, spero me tibi misurum vel delaturum, cum opportunum tempus et latorem invenerim. Valeas, animo meo charissime, mortuus huic mundo Christum tibi vivere noris, virtuti vias, sit tibi mors vitiorum, ora pro me famulo tecu, Pater.

SANCTI FULBERTI

TRACTATUS

IN ILLUD ACTORUM XII, 1 : *Misit Herodes rex manus, ut affligeret quosdam de Ecclesia, etc.,*

Factus in Festo sancti Petri ad Vincula

(GALLAND. *Biblioth. vet Patr.* tom. XIV, pag. 477.)

Scripturam sacram recte, cum legit, intelligit qui modos locutionum ejus non neglit. Hos autem considerare non sufficit, nisi qui eam meditatione continua frequentavit. Nam sicut, homini cuilibet frequentius colloquendo, paulatim cuius sit qualitatis advertimus, ita et morem Scripturæ sacræ, sèpius eam retractando, cognoscimus. Ipsa enim, sicut Patrum magisterio edocemur, nonnunquam, per hoc quod vituperabiliter juxta historiam gestum narrat, virtutem laude dignam juxta mysticum intellectum significat. Hoc autem in eo vel maxime claret, quod de David et Uriæ sacra Historia gestum refert: ubi et Uriæ innocens devotione, Iudaorum infidelitatem designavit; et peccatum Davidis, sacra-

C sua minuat, etiamsi per quod ab eo laudabiliter gestum est, malum aliquod designetur; nec injusto iustitiae meritum conserat, etiamsi per hoc quod improbabiliter gessit, aliquod bonum figuretur. Neque enim peccatum David ideo peccatum non fuit quia bonum illud maximum figuravit, aut Uriæ innocentia malum fuit quia infidelis pepuli duritiam designavit. Haec idcirco præmissimus, ne meritis apostolicis derogasse ab aliquo judicemur, cum per ea quæ de illis in hodierna lectione narrantur, aliquid quod sanctitati eorum non congruat, significare dixerimus. Hodie namque nobis de more Ecclesiæ apostolorum Actuum lectio recitatur, in qua frater Joannis Jacobus gladio narratur occisus, apostolus

quædam Patres spiritualiter intellexisse legimus; non videtur incongruum si, historiæ veritate servata, quomodo spiritualiter tota possit intelligi demonstramus. Sed jam audiamus exordium.

I. *Misit Herodes rex manus, ut affigeret quosdam de Ecclesia* (Act. xii, 1 seqq.). Quem sub Herodis vocabulo accipere debeamus significatum, et nominis ejus appellatione et operis crudelitate docemur. Herodes quippe *pelliceus* interpretatur, quo nomine recte antiquus humani generis adversarius designatur; cuius suasionibus dum primi homines crediderunt, stola immortalitatis perdita, pelliceas tunicas mortalitatis indices acceperunt. Nam, quia pelles mortuis animalibus solent detrahi, non incongrue per pelliceas tunicas dicitur mortalitas figurari. Quas quidem tunicas Deus fecisse et homines induisse legitur; non quod eos ipse mortales creaverit, de quo Scriptura verax veraciter protestatur: *Quia Deus mortem non fecit*; sed quia, quos ad vitam æternam, si mandatum servarent, condidit, post prævaricationem mortales factos ipsa vestis qualitate monstravit. Sed hujus indumenti ipse proprie hominibus auctor exstitit, qui eis culpam qua illud perercentur promissione seductoria persuasit. Jure igitur ipse pelliceus nominatur, cuius instinctu humana natura pelliceis tunicis mortem significantibus amicitur. Rex autem Herodes iste vocatur, quia ipsum esse *regem super omnes filios superbie* Scriptura testatur; qui et omnibus regimini suo subjectis ad mortem perpetuam principatur. Cuius Herodis manus sunt vel maligni spiritus qui illi ad deceptiæ obsequuntur, vel certe perversi homines, in quibus, juxta Pauli vocem, *iniquitatæ mysterium operatur*. Hostis quippe, humanae perditionis insatiabiliter avidus, cum ei ad votum sua solum nequitia non plenarie satisfacit, ad exsatianam famam sue malitiae socios sibi vel malignos spiritus vel homines perversos adjungit. Qui nimis ad læsionem bonorum toties manus militat, quoties cordi eorum vel per subjectos spiritus immunda desideria injicit, vel per humanam sevitiam contra eos in exteriori acerbitate crudescit. Quod enim contra caput nostrum semel egit, hoc etiam contra nos membra ejus indesinenter agere non omissit. Nam quia mentem ejus tentando penetrare non potuit, ad perimendam carnem ipsius, manus suas, videlicet Judæos et milites Romanos, armavit. Sic ergo etiam nunc, quoties a corde electorum repellitur, ut eos saltem in corpore perimat, invidia ardente succeditur. Ad quid autem tantopere sæviat, aperitur, cum subditur: *Ut affigeret quosdam de Ecclesia*. Ea enī quamprimum in'entio illius ad contemplandam electorum innocentiam concinit, ut vel eos in culmine horrore quadrando

A quibus etsi numerositas triumphorum coronam vicitoriarum repromittit, hoc ipsum tamen quod erekto dimicare coguntur, eos vehementer affigit. Scientes namque humanam fragilitatem ad casum esse præcipitem, valde suspecti sunt, ne hostis, qui eos ad certamen frequentius provocat, remissius decertantes quandoque devincat. Notandum interea quod non dicitur: *Ut affigeret Ecclesiam*, sed *quosdam de Ecclesia*; quia, etsi fideles omnes odio generali persequitur, acerbitudinem tamen illius illi gravius sentiunt, qui levibus desideriis ejus matura gravitate resistunt. Quos videlicet tanto atrocius impugnat, quanto eos fortius repugnantes considerat. Vel certe missis manibus *quosdam* specialiter Herodes affigit, cum, tentamenta illius aliis evadentibus, alios ad vitiorum præcipitia trahit.

II. Sequitur: *Occidit autem Jacobum fratrem Joannis gladio*. Hanc quidem beati Jacobi passionem omni veneratione suscipimus, credentes et illum pro triumpho martyrii justitiae corona donatum, et hostem ipsius pro sua crudelitate morte æterna mulctatum. Sed quod juxta historiam semel factum audivimus, non frustra quomodo quotidie flat mystice, perscrutamur. Quia igitur Jacobus luctator et supplantator interpretatur, et Joannes, *gratia Dei*, possunt per hæc duo vocabula dñs in Ecclesia ordines figurari: unus scilicet ineipientium, qui adhuc in lucta fidei contra diabolum certat; alius autem eorum qui, per gratiam Dñi superatq; adversario, nulla jam mentis instabilitate vacillat. C Is autem qui luctatur, modo supra, modo infra inspicitur; ita et qui, needum perfecte compressis carnis motibus, contra diabolum luctantur, sic illum interdum sibi subjicientes supplantant, ut ab illo etiam aliquoties, saltem delectatione noxia, supplantentur. Quæ videlicet noxia delectatio si non cito compescitur, protinus anima, vitalis flatu justitiae perditio, consensus gladio trucidatur. Recte ergo consensus delectationi succedens, gladius appellatur, quia, intra sanctam Ecclesiam, illi quoque qui blandimentis diaboli enormiter succumbunt, cum illis qui per gratiam Dñi in virtute perfecti sunt, uno verbi semine concepti, uno sanctæ matris Ecclesiæ ntero sunt renati. Sicque illos meritorum diversitas separat, ut tamen sacramentorum communio quadam, ut ita dixerim, fidei consanguinitate conjungat. Nec novum sane si semen verbum dicitur, quia et Paulus, cum idem verbum super corda Atheniensium spargeret, ab eisdem *Semini-verbius* vocatus est. Si autem per hanc Apostoli nœcem non mors peccati, sed carnis, accipitur, sciendum est quia crudelis adversarius, læsionem bonorum semper esuriens, cum (ut supra dictum est) ad interiorem mortem se prævalere non posse

Judæis, apposuit apprehendere et Petrum. Judæi namque, qui confidentes interpretantur, quos alios hoc in loco designant, nisi eos qui, juxta Apostolum, Confidentur se nosse Deum, factis autem negant? Possunt tamen Judæorum nomine etiam immundi spiritus accipi, qui et ipsi in Evangelio, dum de obsessis corporibus pellerentur, quanquam inviti Christum Dei vivi Filium fatebantur. Sed sive perversos homines, seu immundos spiritus Judæorum vocabulo designatos accipiamus, constat profectio quia de bonorum afflictione utriusque voto non dispari gratulantur. Unde et idem caput iniquorum ad persequendos bonos tanto expeditius accingit se, quanto se per hoc votis suorum amplius satisfacere sentit. Sed justo morte carnis peremptio, pars iniqua exultat, quia videlicet ille e medio subtractus est qui sub unbra suæ protectionis multos ab æstu malitiae defendebat. Justo vero in peccati mortem delapo, tanto amplius lætitia perversis augetur, quanto is qui lapsus est, per vitæ meritum stare altius videbatur. Sed sicut supra, beati Jacobi martyrum juxta historiam venerabiliter amplexantes, quomodo juxta internam intelligentiam accipi possit ostendimus, sic nunc quoque, servato textu historiæ, quomodo juxta eundem sensum hæc beati Petri comprehensio intelligi valeat ostendamus.

Ad investigandum mysterium comprehensionis, viam nobis aperit ipsa ejus qui comprehensus est appellatio nominis. Sicut enim fere omnes novimus, a petra Petrus nomen accepit. Quinam ergo hoc nomine designantur, nisi qui per mentis constantiam fortiter stare in virtutum soliditate videntur? contra quos nimirum hostis tanto acerius pugnat, quanto per illos etiam alios in virtute roborari delens pensat. Et, quia fortassis soliditatem mentis eorum primo in ipetu tentationis labefactare non sufficit, more aquæ crebro superveniens, duram eorum constantiam rumpit. Nam sicut quidam ait (Ovid. De Ponto, lib. iv.) :

Gutta cavat lapidem, non vi, sed æpe cadendo.

Quod etiam divina Scriptura testatur : *Lapides excavant aquæ, et alluvione paulatim terra consumuntur* (Job xiv, 19). Cum itaque diabolus forte virum in laqueum peccati inducit, quasi ad comprehendendum Petrum manus Herodes apponit. Ubi ipsa quoque verborum proprietas est nobis magnopere pendenda. Nam qui supra, ut quosdam de Ecclesia affligeret, manus misit, nunc, ut Petrum comprehendenter, apposuit. Scendum itaque quia tanto se unusquisque a diabolo minus elongat, quanto ad comprehendendum culmen perfectionis minus appropriat. Unde cum aliquem ex talibus ad culpam diabolus rapit, quasi juxta se manus mittit, quia ad se eum qui non longe discesserat, retrahit. Cum

A ut robustum quemque decipiat, multiplices deceptionum laqueos necit. Nulla autem callidi tentatoris arte tam cito virtus pectoris infirmatur, quam cum, roboris sui vires sibi arrogans, privata apud se exsultatione letatur. Nam mox, a superno protectore desertus, in virtutum culmine diu minime perseverat, quia eum exinde ventus elationum perturbat. Ab alto vero corruentem adversarius excipit, cum superno auxilio destitutum per quælibet vitiorum precipitia trahit. Quasi ergo appositis manibus Petrum Herodes apprehendit, cum illum qui per virtutum iter gradiens procul a se discesserat, protensis fraudum laqueis iterum irretivit. Ad quod astraenndum si exemplum queritur, non est opus ut longius evagemur. Quia is ipse Petrus, cujus historiam figurata interpretatione discutimus, in semetipso partim est expertus quod dicimus. Nam cujus carnem Herodes historicus apprehendit, ipsis animam jampridem Herodes typicus trinæ negationis laqueo, quasi fune toro, tripliciter alligavit. Et certe de suæ firmatis labore multa jam experientia tenebat : jam Christum Dei vivi Filium confessus fuerat; jam beatum se ore Veritatis audiverat; jam a soliditate inviolabilis petra agnomen traxerat; jam claves regni coelestis acceperat: et tamen, post tot et tanta divinæ largitatis munera, cum ad horam Dominicæ passionis ventum est, quia paulo amplius de sua firmitate præsumpsit, sibi met relictus, protinus quisnam esset invenit. Qui certe in æternum periret, nisi illum benignus Jesus intuitu benignitatis suæ respiceret, respiciens emollieret, emolliens ad amaras lacrymas commoveret, commovendo ad lacrymas, crimen quod commiserat indulgeret. Quo nimirum exemplo nos instrui ad cautelæ vigilantiæ evidentiter instruimur, ut mens nostra, etiam summis virtutibus prædicta, semper in humilitate deprimit, semper non esse esse quod est, trepidare cognoscat: ne forte, dum ultra se præsumptionis aura raptatur, quanto se altius extulit, tanto gravius elidatur

C IV. Sequitur : *Erant autem dies azymorum. Juxta litteram patet sensus, quod scilicet apostolus infra Judaice paschæ septimanam sit ab Herode comprehensus : dies quippe azymorum illi septem proprie vocabantur qui quartum decimum primi mensis, quo agnus immolabatur ad vespere, ex ordine sequabantur. Evangelistarum tamen auctoritas et pascha pro azymis, et azyma pro pascha ponere consuevit, sicut facile est ei agnosceri qui eorum volumina studuerit recensere. Sed nos hæc paucis juxta historiam dixerimus; nunc interiorem sensum hujusc sententia videamus. Ait ergo : Erant autem dies azymorum. Dies azymorum omne hoc tempus accipimus quod ab adventu nostri Salvatoris usque ad hanc mundi*

Pascha nostrum immolatus est Christus; itaque epulemur non in fermento veteri, neque in fermento malitiae et nequitiae, sed in azymis sinceritatis et veritatis. Non igitur otiose comprehensionem apostoli, per quam fortis viri casus designatur, in diebus azymorum contigisse, scriptum asseru; sed nimirum significans quia, cum ab ipso humanae conditionis primordio adversus homines invidia dialoli exarsit, a tempore tamen incarnationis Dominice tanto acerbis sevit, quanto saevitiae suæ finem jamjamque imminere presentit. Unde scriptum est: *Væ terre et mari, quia descendit diabolus ad vos, habens iram magnam, sciens quia modicum tempus habet (Apoc. xii, 12).* Terræ quippe et maris nomine carnales quicunque significantur, quia et terrenis solis intendunt, et, undarum more, vicissim se saltu superbie superponunt; ad quos diabolus habens iram magnam descendit, quia, electorum corda deserens, in reproborum cordibus requiescit. Qui, quia jam ad beatitudinem se non posse redire considerat, quasi in solatium suæ perditionis, socios sibi, cum quibus vœ in æternum habeat, coacervat.

V. Sequitur: *Quem cum apprehendisset, misit in carcерem.* Comprehensum Petrum Herodes in carcерem mittit, cum antiquus hostis justum, lethali crimine captivatum, in latebris conscientiae peccatrix abscondit. Recte autem peccatrix conscientia appellatur career, quia ibi homo interior et vinculis peccatorum astringitur, et, nocte interna cæcatus, videre Solem justitiae prohibetur.

VI. Sequitur: *Tradens quatuor quaternionibus militum custodiendum.* Inter omnes hujus lectionis sententias, ista est ad penetrandum obstrusior, quæ et ideo fortassis tam gravis ad intelligendum videtur, quia per illam grave aliiquid signatur. Gratiam itaque suam nobis Dominus subministrare dignetur, quatenus sic de illa loqui possimus, ut, si quis est inter nos qui adhuc vinculis inimici teneatur astrictus, de ipsis quaternionibus quantum expedit audiat, audiens intelligat, intelligens doleat, dolens ingemiscat, ingemiscens talibus se *executoribus traditum perhorrescat*, perhorrescens autem det operam ut evadat. Quia utique unusquisque quartus quatuor sub se milites habet, quatuor quartiones cum sibi subjectis militibus, simul viginti milites sunt. Qui numerus quia ex quinario et denario conficitur (nam et quater quini, et bis deni, viginti sunt), potest per illum universa vitiiorum multiplicitas designari, quæ contra decalogi precepta per quinque corporis sensus perpetrantur. Sed fortasse existitur a nobis ut eosdem quaterniones.

A Ponamus itaque aliquem a diabolo ita omni prorsus lumine rationis privatum, ut possit velut insipientem dicere in corde suo: *Non est Deus;* de quo plane prouuntiare possumus quia per insipientiam suam in infidelitatis est carcere mancipatus. Qui nimirum, quia alterius bona vita vel mala esse aliqua omnino non credit, ad vitæ præsentis bona appetenda vel mala cavenda curam suam ex toto inflectit. Unde sit ut animæ illius, jam in infidelitatis carcere retruse, quatuor modos perturbationum diabolus supponat, qui eam sub sæva custodia clausam teneant, ne evadat. Quæ nimirum perturbationes, etiam in anima sapientis, vicissim sibi pro causarum varietate succedunt; sed in anima insipientis perturbationes sunt, quia per eas insipientis perturbatur. In anima sapientis non tam perturbationes quam affectiones vocantur, quia, ne perturbent, ratione sapientiae moderantur. Primus itaque perturbationum modus, cupere; secundus, metuere; tertius, dolere; quartus, gaudere. Nec moveat quod istos perturbationum modos non eo ordine posuimus quo illos sæcularis poeta locavit, quia Scripturæ nostræ auctoritate judicamus potiorem, in qua legitur: *Radix omnium malorum cupiditas.* Sed nec ipsi qui inter sæculi sapientes habentur, eodem illos ordine in libris suis posuerunt, aut fīliem nominibus nuncupaverunt. Ecce etenim unus eorum, cum de animabus corpore exutis secundum suam opinionem ageret, ait:

C Hinc metuunt, cupiuntque, dolent, gaudentque, etc
Alius autem, qui in scholis sæcularibus legitur, ita posuit:

gaudia pelle,
Pelle timorem; spemque fugato, nec dolor adsit.
Ecce quod ille ultimum, iste posuit primum; quod ille primum, iste secundum; quod ille secundum, iste, mutato loco et nomine, posuit tertium. Dolor autem qui hic quarto loco est positus, ibi in tertio ponitur. Jam autem verum constat quod his quatuor perturbationibus, quasi quatuor quaternionibus, insipientis in infidelitatis carcere custodiatur inclusus. Et poeta, in eodem loco, ipsius quoque carcere fecerat mentionem, ait enim:

D Hinc metuunt, cupiuntque, dolent, gaudentque, necauras respiciunt, clausa tenebris et carcere cæco.

Auctoritate itaque Scripturæ nostræ primum modum perturbationis, quasi primum quaternionem, ponimus cupiditatem; secundo loco, metum; tertio, dolorem; quartu, gaudium: quod cur inter turbationes animi numeretur, inferius ostendemus. Ecce isti sunt quatuor quartiones, quibus captivum

si amiserit; quarto gaudium, si recuperaverit. A habent autem et isti quaterniones, ad servandum captivum diaboli, singuli sub se milites suos. Vitia etenim quæ de unaquaque perturbatione quasi originaliter nascentur, ipsi sunt milites, qui unicuique quaternioni, quasi pro adjutorio, ad peccatoris custodiam deputantur. Sub primo itaque quaternione quem cupiditatem nominavimus, primus miles est tenacia, secundus multiplicatio, tertius in affectio, quartus voluptas. Recto siquidem ordine cupiditatem tenacia sequitur, quia tanto quisque studet strictius quod acquisitum est retinere, quanto se meminit in acquirendo gravius laborasse. Tenacie vero multiplicatio subnectatur, quia, dum longa sibi vita spatio pollicetur, instat magnopere ut que jam parta sunt, quotidiano fœnere cumuentur. Quod cum ad votum multiplicari contigerit, res quidem exterior dilatatur, sed ipse interius angustatur. Unde et tertio loco in affectio subiungitur, quia tanto crudelius contra indigentiam proximi induratur, quanto sibi soli credit vir posse sufficere que habeantur. Sed inter haec cogitat quia frustra in congregandis tantopere desudavit, si sic ab eorum communione indigentem proximum sublebat, ut ipse quoque ab eorum usu alienus existat. Unde, quia post haec totum se in lasciviam voluptatis dejicit, in concubitione agmine quarto gradu voluptas incedit; per quam scilicet ita illecebris carnis suæ resolvitur, ut ei illa voluptuorum sententia merito coaptetur: *Manducemus et bibamus, cras enim moriemur; et: Coronemus nos rosas, antequam marcescant; et: Ubique queramus signa letitiae; et nullum pratum sit quod non pertranscat luxuria nostra.* Sed dum infelix anima taliter in sua voluptate resolvitur, incipit vehementer metuere, ne scilicet id quod eam tantopere deletat, ab ea subito auferatur. Unde bene loco secundi quaternonis, metus cum suis satellitibus subrogatur, quorum I est sollicitudo, II inconstitia, III fletio, IV irrationalitas. Quod videlicet frusta sic ordinavimus, si non rationem quoque cur taliter sint ordinati reddamus.

Sollicitudo namque metum primo gradu subsequitur, quia metuentes animus, dum aliquid quod vehementer amplectitur, amittere trepidat, immensa illum suspicionum varietas turbat; quæ menti trepidam danica ventura proponit, omnia illi per cogitationem irrogat quæ posse irrogare consingit. Sollicitudinem autem inconstitia connotatur, qua, dum ea quæ pati metuit, intolerabilia fore preponderat, effeminatus per ignaviam, nulla se tolerantia virtute confortat. Cum vero se ad tanta discrimina prævidet virtutis robore non posse subsistere, tentat magnopere si ea saltem per fletiones valeat devitare. Ac proinde non inconstantiam

bationum nebula circumfudit, eo quod, amissis humanitatis consilio, nulla se rationis moderatione componit. Huic iam dolor, quem tertium quaternionem diximus, cum suo agmine ad captivi custodiam subrogatur. Est autem satellitum ejus primus livor, secundus amaritudo, tertius clamor, quartus crudelitas. Dolorem quippe primus livor prosecutus; quia cum alter adipiscitur quod alter amiserit, amittens in adipiscendum livore invidiæ succeditur. Livori autem amaritudo succedit, quia invidentis animus tanto ad omnes amarescit exteriorius, quanto, exurente invidia radices ejus intimas, succus alienus infundit. Post amaritudinem quoque clamor non incongrue numeratur, quia amaritus animus, cum jam flammis suas apud se ipse tolerabre non sufficit, exterioris eas cum clamoris vociferatione profundit, tantoque eas altius jaculatur, quanto id quod amissum est charius amabatur. Quartus in hoc agmine satellitum, crudelitas nominatur, quia exasperatus per dolorem animus, qui dolorem suum sub livoris tegmine diutius enutrivit, cum hunc clamores efferendo plene non satiat, studet inhibitor ut verbis crudelibus opera crudelitatis adjungat; quæ nimis crudelitas eosque doloris immensitate se dilatat, ut in eundem ipsum qui dolet doloris pœnas retorqueat. Plerisque etenim accidit ut, vel rerum vel pugnorum amissione turbati, dum doloris sui vulnus lenire rationis medicamine neglexerunt, in eos perturbationum fluctus inciderint, ut vel sensum commune amitterent, vel in seipsos crudeliter manus injicerent. Ecce quousque per satellites suos dolor saevit, ut, quasi parum sit ei quietem animæ perturbare, studet illam etiam de ipso habitaculo corporis effugare!

Restat quartus quaternio, quem veteres gaudium nominaverunt, post dolorem congrue collocatus, quia, sicut dolor de re generatur adempta, ita et gaudium de re generatur adepta. Sed videndum cur majorum auctoritas, inter eas perturbationes quæ statim mentis solent avertere, gaudium numeravit, cum hoc inter fructus justitiae sanctus Paulus apostolus computaverit, dicens: *Fructus autem spiritus, est gaudium, pax, etc.* Unde noverimus gaudium, si quando in mala significacione ponitur, non proprie, sed abusive nominari. Unde et apud Isaiam (*Isai. xlviij, 22*), ubi nostra translatio habet: *Non est pax impiis, dicit Dominus, alia translatio habet: Non est gaudere impiis, dicit Dominus.* Verunitamen Apostolus cum de charitate loqueretur, hoc verbum abusive posuit, dicens: *Non gaudet super iniquitate;* cum certe quicunque super iniquitate letatur, non gaudere, sed potius gestire dicendum est. Gaudere etenim tantummodo hominum est, gestire autem non solum hominum, verum etiam

numeratur, non proprie gaudium, sed potius gestus quidam irrationabilis est accipiendus; qui et' mente per immoderatam letitiam a gravitatis pondere levigat, et hanc eamdem levitatem per signa extiora demonstrat. Unde, quia per dissolutionem exteriorem demonstratain levitas interna detegitur, non incongrue ipsa dissolutio huic quarto quaternioni pro primo milite deputatur. Cum enim mens conceptam intus letitiam gravitatis freno retinere non curat, qualis apud se intrinsecus lateat motus exterior manifestat, qua scilicet manifestatio ne non minimum illi dispendium irrogatur; quia, cum motus exterior ab internæ superfluitatis fontibus hauriat quidquid in externis obtutibus foris maneat, tanto jam mens vilior ab omnibus aestimatur, quanto interno ejus gazophylacio pretium gravitatis non inesse deprehenditur. Secundus in hac extrema acie miles, jactantia nominatur; quia nimium cum membra per motus inconditos dissolvuntur, lingua quoque, ruptis habenis silentii, per verba jactantiae diffrenatur. Pro tertio adhuc milite mendacium computatur, quia qui multa de se jactanter loquitur, fieri non potest ut non etiam quedam interserat unde mentiatur. Mendacio autem superbia subrogatur, quæ supradictis omnibus materiam subministret, et ultima superatur. Nam, sicut scriptum est : *Radix omnium malorum cupiditas, ita etiam scriptum legitur : Initium omnis peccati superbia.* Quæ ultraque sententiae value ab invicem discrepant, nisi aliquo modo unum essent; sed, quia una semper aliam gradu individuo comitur, recte et *radix omnium malorum cupiditas, et initium omnis peccati superbia* perhibentur. Quia nisi cupidus per superbiam intumesceret, nequaquam divitiarum copia excæpare ceteros festinaret; et nisi superbus cupiditatis stimulis urgeretur, non utique ad apicem singularis potentiae tanto opere raperetur.

VII. Sed quia hoc, quod apostolus comprehensus et quaternionibus traditus dicitur, uno modo tractavimus, libet hoc ipsum sub alia significacione expondere, et eju. judicio qui hæc fortassis legere dignabitur, utramque expositionem relinquere. Nam qui jam per divinam gratiam illuminati sumus, non nobis utique jam congruit quod *Dixit insipiens in corde suo : Non est Deus.* Et quia sæculum omne contempsimus, jam fortassis non nos cupiditas habendi inflammat, non metus amittendi sollicitat, non dolor amissi addicit, non gaudium recuperati extollit. Sunt autem alia vitia quæ nos etiam fugientes de sæculo prosequuntur, quæque nobis tanto importunus insistunt, quanto in nobis ipsis materiam importunitatis inveniunt. Ex his itaque unum assumamus, et, secundum ejus significacionem, de istis quaternionibus pertractemus.

A comprehensus peccator carceri mancipatur, si, post perpetrationem criminis, in suæ conscientiæ latetris occultatur. Nec tamen sufficit crudeli adversario suo quod captivum suum tenebris carceralibus damnat; insuper etiam custodes illi adhibet, ne evadat. Nam peccator, quem per admissum facinus diabolus captivavit, nonnunquam de ejus captione per confessionis foramen exire disponit; sed custodes adhibiti volenti exire retentant, quia difficultatum obstacula, quæ supponit, illum ne possit exire retardant. Salva itaque veritate historiæ, quaterniones quibus Petrus clausus carcere custoditur, ipsa sunt difficultatum obstacula, quibus, peccata consiteri deliberans, a confessione præpeditur. Quos nimur quaterniones ut evidentius ostendamus, necesse est eos nominatim exprimere, et eis singulos suos milites assignare. Sed ut de aliis, sicut ordo processit, vidimus, nunc restat primus quo censeatur nomine et quo stipetur agmine videamus. Sit itaque quaternio primus, affectus peccandi : et habeat sub se milites suos, quorum primus vocetur recordatio præteritæ voluptatis, secundus excusatio fragilitatis, tertius imitatio prævitatis, quartus ratiocinatio conditionis. Recto autem ordine in quaternionum numero primus omnium affectus peccandi locatur; quia nimur is qui in carcere est luxuriæ retrusus, citius exinde progredi festinaret, nisi eum peccare iterum delectaret; sed, quia adhuc peccare affectat, non potest, consitendo peccatum, impugnare quod amat. Sub hoc autem primo quaternione, primus miles est, ut diximus, recordatio præteritæ voluptatis; quæ quaternioni suo fædere copulatur, ut et cum illo ad peccatoris custodiæ excubet, et eidem iterum peccandi materiam subministret. Quæ nimur recordatio tanto peccatorem ut iterum peccet violentius cogit, quanto illi expressius representat voluptates suas, quas expertus est dum peccavit. Sed si per recordationem præteritæ voluptatis peccator ad repetendum peccatum urgetur, cur non ipsa in hoc agnoscit affectum peccandi præponitur? Si enim ista illi materiam existendi, sicut præmisimus, subministrat, plus utique videtur esse quam ipse. Sed sciendum nobis est plus esse aliquid, peccandi habere affectum, quam peccati habere recordationem. Ille etenim sic est vitium ut virtus esse omnino non possit, hæc autem sic nunc inter vitia numeratur, ut nonnunquam etiam in virtutum numero computetur; nam quæ peccatorem peccare volentem admonet ut iterum peccet, ipsa peccatorem peccasse dolentem admonet ut amplius plore. Vel certe ideo affectui peccandi postponitur recordatio præteritæ voluptatis, quia recordari eorum proprie dicimus quæ pridem aliquo modo experti sumus; affectare autem ea etiam possumus de quibus nullum adhuc experimentum tenimus. Unde recordatio eorum nobis nunc peccatorum

poneretur. Sub quo nimirum, loco secundi militis, A militat excusatio fragilitas: quia nonnunquam, dum perpetrato scelere peccator ipse quoque suo ad- dicitur, hæc, repente interveniens, quasi blando eum alloquio consolatur. Suggestit enim illi non esse mi- rum si peccato consentit, quippe quem ipsa carnis fragilitas ad peccatum impellit. Tertius miles imita- tio pravitatis vocatur: quia perversa mens, quæ culpam suam tegere velamento fragilitatis proprie- nitatur, hanc etiam aliquoties exemplo alienæ iniqui- tatis tueri conatur; et, damnanda agens, inde se quasi minus damnabilem credit, quia plures socios in iniquitate invenit. Quarto gradu miles IV ingredi- tur, qui ratiocinatio conditionis vocatur; per quam videlicet ratiocinationem mens reproba in eam ple- ruisque perversitatem prosili ut reatum suum ratio- cinando defendat; affirmans scilicet quia, si Deus misceri utrumque sexum noluisse, membra ipsi huic operi apta in humano corpore non locasset. Quid igitur hoc quarto satellite perversius, per quem peccator sic in tenebris interioribus coarctatur, ut totius justitiae auctorem suæ injustitiae suspicetur?

Hunc primum quaternionem sequitur alius, qui pudor confessionis vocatur, ordine, non crudelitate secundus. Ut quid enim in latebris conscientiæ se peccator abscondit, nisi quia pudet eum confiteri quo fecit? Sub hoc secundo quaternione, I loco levigatio militat culpæ, II longiturnitas vitæ, III præ- sumptio veniæ, IV torpor negligentiæ. Primas enim excubias in hoc agnitive levigatio enīpe observat; quæ, dum aut nihil aut parum esse quod perpetra- tum est persuadet, mentem, quæ jam salubriter contristari cœperat, manu noxie consolationis demul- cet: sive, dum apud ejus existimationem pondus peccati levigat, agit ut eam pondus judicii quandoque intolerabiliter premat. Loco autem secundi militis, longiturnitas vitæ computatur, quia nimirum, dum mens longa sibi vita spatia pollicetur, serius quam oportet de peccati sui carcere per ostium confessio- nis egreditur. Quam etiam ad confessionis dilationem ea nonnunquam cogitatio nutrit, quod, quandocun- que convertatur, veniam sibi donari præsumit, sicut scriptum est: *In quaunque die peccator conversus fuerit, et ingemuerit, salutis erit.* Quia ergo per hoc quod, sibi de divina misericordia plus justo blan- diens, veniam se mereri, quandocunque redeat, re- promittit, non immerito ipsa præsumptio veniæ, per quam confessio differtur, loco tertii militis numera- tur. Quartus quoque miles est torpor negligentiæ; quia, dum peccator, pudori suo carnaliter prospiciens, confiteri dissimulat; dum, sibi noxie blan- diens, pondus sibi sui peccati levigat; dum, de di- vina longanimitate præsumens, converti detrectat: repente in torpore negligentiæ resolutum dies ex-

B intuitu rectitudinis avertitur, hoc in loco vice qua- ternionis tertii computatur. In hujus comitatu pri- mus miles est appetitus famæ, II rubor abjectionis, III rigor pœnitentia, IV metus perseverantia. In istius itaque quaternionis acie primus militat appetitus famæ, qui nimirum sic suo primicerio ad adju- torium copulatur, ut de illo etiam generetur. Nam quisquis privato amore se amat, ad hoc magnopere nititur ut per famam laudabilem nomen suæ opinio- nis extendat; quæ videlicet opinionis extensio vul- tum confessionis præpedit, quia difficile, imo im- possibile est ut culpas suas possit pure detegere con- fitendo quisquis adhuc apud aliorum æstimationem glorusus appetit apparere. Unde de hoc quoque mi- lite aliis procreatur, qui pudor abjectionis vocatur; B quia tanto se quisque in confessione tardius de coin- missis humiliat, quanto illum amplius aut loci aut ordinis altitudo delectat. Et dum abjectus videri ex- terius erubescit, in interni iudicis obtutibus erube- scandus haberi non metuit; magisque veretur ne inter consortes despectus appareat, quam ne eum æquus Arbiter extra consortium humillium mittat. Quocirca exemplo suo Psalmista nos instruit, di- cens: *Elegi abjectus esse in domo Dei mei, magis quam habitare in tabernaculis peccatorum.* Sed inter haec sciendum quia plerumque peccatorem nec appetitus famæ, nec rubor abjectionis a confessione re- trahit, sed rigor pœnitentia et metus perseverantia. Unde et hæc duo pro duobus qui restant militibus computantur, quia et ipsa maxime præpediunt ne is C qui captus est ematur; quorum unum nascitur ex amore carnis, aliud ex immissione adversarii. Rigor enim pœnitentia qui peccatorem a confessione de- terret, ex carnis amore nascitur; quia, dum apud se tacitus perpendit quanta sibi, si confessus fuerit, pro satisfactione criminis injungentur, carnis suæ teneritudini parcens, a confessione retardatur. Metus autem perseverantia ex immissione adversarii generatur; qui idcirco peccatorem de perseverantia reddit suspectum, ut semper illum teneat in iniqui- tate reclusum: ut scilicet nunquam bonum audeat inchoare, dum metuit ne possit in eo quod cœpit perdurare.

D Quartus quaternioni, qui profundum malorum dici- tur, ultimus omnium excubat, ut commissum sibi de profundo malitiæ in profundum pœnæ pertrahat. Habet enim et ipse IV satellites ad captivi custodiā deputatos: quorum I est contemptus, II obduratio cordis, III impœnitentia, IV cæcitas mentis. De pro- fundo enim malorum ante illos I contemptus exor- tur, quia, sicut scriptum est: *Peccator cum venerit in profundum malorum, contemnit. Obduratio quoque cordis pro II milite numeratur, quia cum, considerata malorum suorum enormitate, veniam se jam*

Apostolum, tnesaurizat. Loco autem IV militis eae citas mentis accipitur : quia ad normam divinæ reætitudinis pertinet ut peccator, qui saepe in culpam videudo et contemnendo precipitatur, in eam quandoque etiam non videns impingatur; et qui per eos in pœnitentia ante perdidit bene vivere, postmodum per eos divinius exacerbatum perdat etiam bene scire. Ecce in quam sævam custodiam se retrudit qui, hostis persuasionibus consentiens, delectationi noxiæ molliter acquiescit ! Ecce quam non suæ potestatis se efficit qui Satanæ potestati peccando se tradit ! Ecce quantis et quam sævis custodibus delegatur quisquis, consilieri dissimilans, in sui conscientiæ latebris occultatur ! Cavendum itaque summopere nobis est ne unquam delectatio prava in consensum trahat, et, usque ad affectum peccandi progressi, Satanæ nos laqueis jam captivos astringat. Si autem per nostram mollietatem jam capti tenemur, caveamus omnimodis ne in carcere retrudamur; sed quantocius ardore pœnitentiæ succensi, eos qui nos astrigunt Satanae laqueos exuvamus : ne forte, si tandem differimus, tanto difficilior jam ad progressiendum aditus pateat, quanto nos multiplex custodia undique circumvallat. Sed Petro retrosum in carcere, et quaternionibus deputato, videamus quid sequitur.

VIII. *Volens post pascha producere eum populo.* Ecce ad quid captivum suum diabolus tantopere servat; ecce cur eum carceri mancipat ! Ecce cur tot et tantis eum apparitoribus delegat ! ut scilicet eum populo ad spectaculum post pascha producat. Quia enim pascha *transitus* dicitur, non incongrue per hoc vocabulum transitus nniuseu jusque de hac vita signatur. Omnes quippe moriendo transimus; sed interest utrum per mortem ad mortem, an per mortem transeamus ad vitam. Per mortem enim ad mortem transeunt, quibus, post mortem carnis, restat æternus interitus mortis. Ad vitam vero per mortem transeunt, quibus, post resolutionem corporis, gaudia æterna succeedunt. Ad hoc itaque captivum suum tam diligenter diabolus servat, ut eum populo ad spectaculum post pascha producat, quia ad hoc peccatorem usque ad mortem in peccato retentat, ut illum de hac vita transeuntem de carcere in carcere mittat : de carcere scilicet tenebrosæ conscientiæ in carcere pœnalis gehennæ. Si autem captiōnem istam ad eum qui, post susceptum religionis habitum, in crimen lethale corruit, proprie referamus, hoc quod ait : *Producere eum populo*, non otiose additum advertemus. Certe enim ad illud extrellum judicium non solum homines, sed et boni

A vastare dicimus, nobis, quæ religiosi videmur, magna profecto ignominia erit, si, post transitum virtutis hujus, illis etiam ad spectaculum derisionis producimur, qui, per fata voluptatum itinera discurrentes, vitam suam quotidie populantur.

IX. Sequitur : *Et Petrus quidem seruabatur in carcere, oratio autem fiebat sine intermissione ab Ecclesia ad Deum pro eo.* Cum is qui in captiōnem diaboli detinetur, per se exinde exire aut non velit aut non valet, ad pietatis sancte matris Ecclesie pertinet sinum ut ei a Domino egrediendi imploret effectum. Utrumque enim a Domino necessario postulatur, quia peccator, in carcere peccati reclusus, tanta aliquoties insensibilitate obdurescit, tantis tenebris obumbratur, ut nec squalorem sui careeris sentiat, nec vincula quibus alligatus est videat. Unde quanto minus calamitatem qua punitur sensit, tanto minus ab ea desiderat liberari. Nonnunquam vero et misericordiam suam videt, et eru ab illa exoptat; sed exire non prævalet, quia illa cum multiplex quaternionum custodia circumvallat. Sed, sive volens sive nolens tenebatur in carcere, dignum est ut mater Ecclesia filium quem genuit recognoscat, et ei maternæ pietatis viscera, pro eo orando, intendat. Quod qua instantia sit agendum, sententia interposita manifestat. Nam cum dicetur, *Oratio autem siebat, interpositum est, sine intermissione;* quia nimis tunc quod petimus impetramus, cum nulla impetrandi difficultate ab oratione lassamur. Unde, etiam juxta litteram, quantum orationes beato Petro profuerint, aperitur, cum subditur :

X. *Cumque producturus esset eum Herodes, in ipsa nocte erat Petrus dormiens inter duos milites, vincitus catenis duabus.* Si juxta litteram ipsum ordinem apostolicæ liberationis paulo diligentius intuemur, juxta interiorum sensum, quantum peccator divinæ misericordiæ debeat, evidenter instruimur. Quid enim innuit quod apostolus tunc refertur erutus de carcere, cum jam esset populo ad spectaculum producendus, nisi quod divina pietas plerunque tunc etiam peccatorem de sua captivitate liberalat, cum jam proximum est ut eum diabolus eductum de corpore ad æternam irrationem perducat ? In ipsa nocte, inquit, erat Petrus dormiens. Comprehensus Petrus in nocte dormit, quando vir fortis, in peccatum prolapsus, a cognitione sui mentis oculos claudit. Nox enim in qua dormit, ignorantia est : nisi enim seipsum et quæ circa eum aguntur, ignoraret, in sui utique considerationem oculos aperiret; aperiens, periculum suum videret, videns

apostolus missus in carcerem quatuor quaternionibus sit ad custodiam delegatus; quod nos quoque quomodo specialiter intelligi possit, ostendimus. Sed cum dicitur quod inter duos milites dormiebat, intelligitur quod ei a dextro et a sinistro latere milites cohærebant; usu autem quotidiane locutionis, pro dextro nos habere quidquid adjuvat, pro sinistro quidquid adversatur. Sit itaque miles qui dextro lateri assistit, præsumptio veniae quam pro III milite sub secundo quaternione supra posuimus; quæ nimirum dum peccatori, quandoeunque releat, veniam repromittit, securum illum juxta se dormire facit. Miles ergo iste dextrum latus dormientis observat, quia illud scilicet pollicetur quod peccatorem, somno negligentiae resolutum, ad veniæ præsumptionem adjuvare videtur. Sit etiam miles sinistro lateri assistens rubor abjectionis pro H milite superius quaternioni tertio deputatus; per quem videlicet ruborem abjectionis, dum peccator adversi aliquid se perpeti opinatur, eligit potius intus apud se qualicunque quiete quiescere, quam, foras execundo, abjectionis verecundiam sustinere. Duæ autem catenæ quibus dormiens vincitur, sunt consuetudo et desperatio, quibus ne bonum aliquid faciat præpeditur. Catena enim male consuetudinis, peccatoris manus obligantur; quia plerumque, dum ad bonum opus se conatur extenderet, ab eisdem peccatis quæ consuevit facere retinetur. Catena quoque desperationis manus ejus astringit; quia tanto pigrior ad omne opus bonum efficitur, quanto iam sibi non posse prodesse quidquid boni fecerit suspicatur.

XI. Sequitur: *Et custodes ante ostium custodiebant carcerem.* Si ostium carceris aditum confessio-
nis accipiunt, custodes qui ante ostium excubant, sunt illa difficultatum obstacula quæ jam supra nominatim in descriptione secundi quaternonis expres-
sionis. Sed licet hic parum persistere, et captivi bujus miseras exprimere. Ecce etenim quia hosti blandienti consentit, ab eodem est atrociter appre-
hensus. Ecce quia consiteri distulit, in carcere est retrusus! Ecce illi jam retruso multiplex quaternio-
num custodia exterius adhibetur. Ecce intra ipsum quoque carcere catenis astrictus a militibus obser-
vatur! Quando ergo evadit, quem intus et extra tam multiplex custodia circumvallat? Sed ubi huma-
na major miseria, ibi plerumque major claret di-
vina misericordia; nam sequitur:

XII. *Et ecce angelus Domini astitit, et lumen re-
fusluit in habitaculo.* Notandum magnopere video quod dicitur, *Et ecce.* Ecce etenim dicere solemus, cum aliquid præter specm subito contigisse monstramus. Unde per hoc quod dicitur, *Et ecce,* repentina et insinuata subducere tendimus.

A diuit scientiam, et legem requirunt ex ore ejus, quia angelus Domini exercitum est (*Malach. II, 7*). Nam quia Graece angelus, Latine dicitor nuntius, recte is qui legem annuntiat, angelus appellatur. Sacerdos ergo labia scientiam custodiunt, quia nimirum ille saerum ducatum populis legendo ostendit, qui, quod novit sciendo, etiam vivendo custodit. Ex cuius ore legem requirunt, quia prælatum suum subditus tanto reverentius audit, quanto eum intelligit non de presumptionis, sed de scientiae certitudine proferre quod dicit. Qui bene angelus Domini dicitur, quia per hoc quod legem Domini nuntial, ad ejusdem Domini lucra, non ad suos favores, anhilat. Nam non jam proprie Domini, sed suis angelus esset, si ideo loqueretur, ut per vocem ejus exercitus Domini non cresceret, sed ut ipse, quam esset doctus et sapiens, appareret. Quia vero, per omne quod dicit, ad hoc principaliter intendit ut sui Domini exercitus augeatur, angelus Domini exercitum nominatur. De quo nimirum angelo magnopere notandum est quia non proprie stetisse, sed astitisse refertur: astare etenim proprie quasi juxta stare dicimus. Prædicator autem legem Domini nuntians, audiori suo stat quidem, sed nequaquam astat, quando ipse quidem recte juxta regulam fidei exhortatur, sed auditor id quod audit nullo amoris brachio complexatur. Valde itaque prædicator ab eo cui prædicat remotus est, quando ad cor ipsius prædicando appropinquare non valet. Unde et habitaculum talis carceris angelus non illustrat, quia, dum peccator non curat obedienter audire quod audit, lumen sanctæ prædicationis tenebras illius conscientię non expellit. Cum vero angelus astat, habitaculum carceris illustratur; quia cum prædicatio sancta a corde obedienti excipitur, tanto magis illud reddit perspicuum, quanto amplius per obedientiam sibi sentit propinquum. Tunc angelus non solum stat, sed etiam astat; quia vox prædicationis non solum exterius perstrepit, sed etiam interior juxta cor compunctum assistit.

Potest tamen in hoc quod angelus in carcere astitisse dicitur, adhuc aliud figurari. Nam, quia stare laborantis est vel pugnantis, quid per stantem angelum, nisi labor pœnitentiae signatur? Angelus itaque Petrum de carcere educturus, juxta eum astat: quia nimirum prædicator peccatorem ad magnum certamen provocat, cum cum ad congressum diaboli per pœnitentiae laborem invitat. In quo nimirum congressu, etiam contra semetipsum pugnare compellitur, cum contra delectationes peccatorum quæ se gessisse meminit reluctatur. Si enim nullus in statu pœnitentiae labor esset, Psalmista utique non dixisset: *Laboravi in gemitu meo* (*Psalm. VI, 7*). In gemitu enim suo peccator laborat quando de multis

XIII. *Percussoque latere Petri, excitavit eum, a-* cens : *Surge velociter. Et ceciderunt catenæ de manibus ejus.* Sicut jam et ante nos dictum est, percussio lateris commemorationem designat Dominicæ passionis. Nam quia aperto latere Redemptoris, sanguis et aqua manavit, quorum unum ad pretium, aliud vero ad lavacrum, recte hæc utraque peccatori converso ad memoriam revocantur, ut et, dignitatem sui pretii perpendens, peccare ulterius dedignetur, et, inquinatus post lavacrum, pœnitentiæ fontibus iterum baptizetur. Vel certe ideo necesse est ut pœnitens quisque angustias Dominicæ passionis ante oculos mentis suæ depingat, quatenus, exemplo illius, suum quoque animum ad tolerantiam passionum accingat. Unde quoque ipse beatus Petrus nos admonet, dicens : *Christo igitur passo in carne, et vos eadem cogitatione armamini.* Ac si aperte dicat : Qui peccatores estis, tanto necesse est ut vestrum animum ad tolerantiam informetis, quanto eum qui peccatum non fecit, talia passum aguoscitis. Ergo quæ et quanta in carne vestra pro vobis sit perpessus Redemptor, attendite; et ita demum vos ipsos ad eandem patientiam per cogitationem armate. Sed Petrus percussus in latere expurgiscitur, quia peccator per recordationem Dominicæ passionis a sonno sua inertiae excitatur; excitatus autem surgere velociter imperatur : ut, qui eatenus prostratus in cubili iniquitatis jacebat, nunc humiliatus per gratiam, mala quæ perpetravit relinquit. Ubi notandum quod non solun surgere, sed etiam velociter surgere jubetur; quia sunt nonnulli qui, etiam post illuminationem gratiæ, bonum quod per intellectum vident, pigre esse sequuntur. Sed velociter exsurgentí catenæ de manibus cadunt; quia qui bonum quod agnovit cum fervore spiritus arripit, quidquid eum præpedire poterat citius evanescit. Catenas enim superius esse diximus, pravam consuetudinem et desperationem, quæ utraque velociter exsurgentí de manibus cadunt; quia, cum audita prædicatione de torporis sui lecto sine niore peccator exsurgit, nec peccandi consuetudo valet illum ad peccatum retrahere, nec desperatio a speranda indulgentia deterrere.

XIV. Sequitur : *Dixit autem angelus ad eum :* *Præcincere, et calcea te caligas tuas.* Et fecit sic. Hic etiam, juxta litteram, de virtute discretionis instruimur. Petrus enim, ut frigus noctis sibi aliquantulum temperaret, vestimentum quo induebatur, soluto cingulo, circa pedes dimisit. Exemplum nobis infirmis præbens, cum vel humana sevitia afficiamur, vel corporis infirmitate gravamur, licet nobis aliquid de propositi rigore laxare : ut, dum corporis in minimis condescendimus, vi- biores ad exercendum certainam fidem

A cincti. De hoc quoque cingulo ipse Petrus nos admonet, dicens : *Succincti lumbos mentis vestræ.* Sed, quia prædicator tunc congruentius prædicat cum auditorem suum de antiquorum dictis et exemplis informat, recte Petrum angelus non solum præcincgi sed etiam caligas calceare præcepit. Quid enim per caligas quibus crura muniuntur, nisi Patrum dicta et exempla signantur? quæ nimirum nos et a vulnere peccati custodiunt, et ad amorem Dei nos calefacentes accidunt. Caligas itaque nostras calceamus, cum, ex dictis et exemplis sanctorum, gressus nostrorum operum contra vulnus peccati defendimus, et ad supernam patriam, eorum imitatione calefacti, ardenti desiderio anhelamus. Nec moveat quod Ecclesiæ caligæ, nostræ dicuntur : dicta enim et exempla Patrum, et sua sunt, quia per eos exhibita; et nostra, quæ nobis ad imitandum relictæ. Sciendum enim est quia hoc in loco Græcus codex non habet *caligas*, sed *sandalia*, quæ Latine dicuntur *soleæ*. Est autem genus calceamentorum quæ partem pedis inferiorem ex toto contingunt, superiorem autem intactam ostendunt. Quo nimirum genere calceamenti et apostoli usi sunt, sicut in præsenti monstratur; et episcopi hodie, non sine certi causa mysteriis, utuntur. Pars ergo hujus calceamenti quæ per terram trahitur, providentiam significat temporalium, per quam subditis a prælatis terrena subsidia ministrantur. Pars autem superior, quæ pedem intectum ex parte oriental, est contemplatio supernorum, per quam et prælatus ipse divinis revelationibus pascitur, et his qui sibi commissi sunt spiritualem almoniam impartitur. Hæc sandalia Petrum angelus calceare præcepit, quia et dignum valde est ut is ad quem liberandum Dominus angelum suum mittit, ad eam quandoque perfectionem attingat ut proximis ad necessitatem utramque sufficiat. Si autem quod dicitur : *Præcincere et calcea te caligas tuas*, ad doctores ecclesiasticos specialiter referimus, quibus et dicitur : *Sint lumbi vestri præcincti*; et : *Calceati pedes in præparatione Evangelii pacis*, notandum summopere est quod prius præcinci et postmodum calceari præcipitur, quia nimirum rectum ordinem in sua actione non servat qui prius pedes suos ad evangelizandum calceat, quam renes suos balteo castitatis restringat. Sed prius præcincatur, et postmodum calceatur: ut prius in se luxuriæ fluxum pudicitiae rigore restringat, et postea, in seipso jam pacatus, in præparatione Evangelii pacis calceatis pedibus incedat. Calceatos autem pedes habere prædicatores jubentur, ut ad prædicandum parati semper esse debere monstrentur. Nam quasi discalceatus prædicator est qui non semper est ad docendum paratus; quem cum subditus de aliqua necessaria quæstione interrogat, hinc primum incipit querere, cum debet respondere. Hoc prædicationis calceamento ma-

bonum instruitur, institutoris sui monitis reverenter obhundit. Unde post præceptum angeli obedientia Petri subinfertur, cum dicitur: *Et fecit sic.* Ad vocem enim præcipientis angeli Petrus sic facit, cum auditor predicatori suo tanta devotione obtemperat, ut ad peragendum quod ei injungitur moras nullas innectat. Cum vero auditorem suum præparator, ea quæ jam didicit, studiose implere considerat, magis magisque provocatur ut omnia illi quæ ad perfectionem ducunt innotescat. Unde et sequitur:

XV. *Dixit autem angelus ad eum: Circunda tibi vestimentum tuum, et sequere me.* Quod vestimentum ad corpus, hoc est justitia ad animam. Vestimentum enim legit et calefacit, justitia quoque ab anima et frigus malitia expellit, et quæ in ea per peccatum sunt verenda, divino iudicio abscondit. Si enim malitia frigus non esset, propheta utique sub Judææ specie de mente reproba non dixisset: *Frigidam facil cisterna aquam, sic frigidam fecit malitiam suam.* Et rursum si justitia vestimentum non esset, Psalmista utique non dixisset: *Sacerdotes tui induantur justitiam.* Nos quippe sacerdotes Domini sumus, quia membra summi sacerdotis existimus, et per mortificationem carnis nos ipsos hostiam viram Domino immolamus. Qui nimirum tunc veracius justitia induimur, cum nulla quæ sunt facienda prætermittimus. Unde hic quoque notandum est quod angelus Petro nequaquam ait: *Vesti vestimentum tuum, sed Circunda vestimentum tuum.* Fieri enim potest in aliquo genere vestimenti si ex una parte tegatur, ut ex parte alia intecti videamur. Quando autem sic vestimur ut nulla ex parte nudi remanamus, hinc non tantum vestimento vestiti, sed etiam circumdati sumus. Qui igitur sic quædam bona agit ut alia negligat, et ex parte vestitus est et ex parte nudus; quia profecto eam partem sui intectam relinquit, quam velamento justitiae operire neglexit. Petro itaque de carcere educendo præcipitur ut vestimentum suum sibi circumdet; quia nimirum necesse est ut qui perfecte a carcere peccatorum exire desiderat, sic se undique vestimento justitiae circumtagat ut nulla quæ ad eum pertinent prætermittat. Sed ecce carcerem jam quo tenebatur, adstans angelus illustravit. quia lux sanctæ prædicationis in conscientia peccatoris emicuit. Ecce jam surrexit, quia stratum peccati in quo jacebat reliquit; ecce jam lumbos præcinxit, quia luxurie fluxa restrinxit: ecce jam se calciat, quia exemplis Patrum gressus sacrorum operum communivit; ecce jam vestimentum suum sibi circumdedit, quia nulla quæ didicit prætermisit. Quis jam imperfectus esse censendus est, qui tantum profecit? Sed huic angelo auctore nec ista sufficiunt: adhuc instat, adhuc quæ novit superesse, inculcat; ut eum quem liberandum suscepit, aut obedientem perfecte excipiat, aut si obe-

A Circumdato autem Petro vestimento suo, Petrus post angelum vadit, cum conversus peccator sic vestigiis sanctæ prædicationis inheret, et ab itinere justitiae nullo diverticulo transitorie intentionis abstinet. Post circumdationem etenim vestimenti sui angelum minime sequitur quisquis, post adimplationem boni operis, in se et non in Domino gloriatur. Longe quippe a consecrati sim angelii deviat qui, per bonum quod agit, aliud intendit quam est illud quod singulariter appetendum ex ore sui præparatoris audivit. Opportune igitur angelus Petrum ut sequeretur admonuit, quia sermo divinus, postquam de omnibus que pertinent ad nostram salutem instruit, etiam qualiter appetitum inanis gloriae oratione debeamus ostendit. Sed cum ea quæ Petrum facere B angelus monuit ad tantam perfectionem pertineant, querit fortasse aliquis quomodo peccatori adhuc retruso in carcere hæc tantæ perfectionis instituta convenient? Quod recte forsitan quereretur, si nos modo ageremus de peccatore adhuc in peccati sui carcere dormiente, et non de illo potius cuius jam carcerem angelus illustravit, quem jam Dominus per compunctionis spiritum excitavit. Cui certe omne quod de perfectione dicitur, tanto verius congruit, quanto ipse se devotius per oppositum confessionis accingit. Petrus itaque, adhuc in captione positus, præcepta libertatis accipit, quia peccator tunc etiam per os præparatoris quæque sibi agenda cognoscit, cum adhuc per aliquam mentis debilitatem in sua conscientiæ latebris delitescit. Sed jam tandem omnem nodum debilitatis abrumpat, jam angelum præcedentem sequatur, jam præcepta perfectionis non se frustra audisse testetur. Quid adhuc in carcere facit, ad quem liberandum jam angelum suum Dominus misit?

XVI. Sequitur: *Et exiens sequebatur eum, et ne- sciebat quia verum est quod siebat per angelum; existi- mabat autem se visum videre.* Tanta fuerat custodia circumseptus, ut visum se videre aestimaret, etiam cum eum in veritate angelus liberaret. Solet enim in animo humano, ex consideratione præteritæ tribulationis, ista liberationis hæsitatio generari; quia cum immensitatem periculorum per quam transivit reminiscitur, quomodo potuerit evadere, apud se ipse quasi dubitando miratur. Unde est illa vox beatorum martyrum per Psalmistam dicentium: *Torrentem pertransivit anima nostra, forsitan per- transisset anima nostra aquam intolerabilem.* Non enim idcirco dicitur forsitan quasi vere de sua libera- ratione dubitent; sed, verbo hæsitationis illius per quam transierunt, insinuant, quod bene etiam my- stero significationis cooptatur. Nam quia in die clare videmus, in nocte vero sub visu dubio caligamus, quid per visionem divinam nisi manifesta veritas, quid per nocturnam, nisi dubia designatur? In die itaque non inmerito jam esse dicuntur qui, remota

mus et ex parte prophetamus, sic etiam ex parte A pro peccatis hostia (Hebr, x, 26). Quid enim est voluntarie peccare, nisi peccandi voluntatem habere? Quæ videlicet peccandi voluntas per participium praesentis temporis notatur. Sed ei qui voluntarie peccans est, id est, cui peccandi voluntas semper in praesenti est, pro peccatis hostia non relinquitur; quia per oblationem corporis Christi peccatis ejus medicina nulla confertur. Item ne per pudorem confessionis peccata sua peccator abscondat, sententias illi ex Scripturis prædictor opponat: *Fili, ne confundaris confiteri peccata tua, est enim confusio adducens peccatum, et est confusio adducens gloriam;* Et iterum: *Qui abcondit seclera sua, non dirigeretur; qui autem confessus fuerit et reliquerit ea, misericordiam consequetur.* Et Psalmista: *Revela B Domino viam tuam, et spera in eo.* Hinc Jacobus apostolus: *Consternimi alterutrum peccata restra, et orate pro invicem, ut salvemini.* Cum ergo haec et ejusmodi exhortamenta auditori suo prædictor adhibet, quid illum nisi et affectui peccandi et confusioni confitendi resistere admonet, id est, qualiter per primam et secundam custodiam transire debeat docet?

XVII. Sequitur: *Transentes autem primam et secundam custodiam, venerunt ad portam ferream, quæ dicit ad civitatem, quæ ultiro aperta est eis.* Supra legimus quod comprehensus Petrus traditus fuerit quatuor quaternionibus, id est, simul viginti militibus. Unde datur intelligi quod iidem ipsi qui custodiendum suscepserant, ut eum cautius observarent, in binas se divisserunt custodias. Præter istos enim, alios illi custodes deputatos non legimus. Quia ergo iidem ipsi in primam et secundam custodiam distinguuntur, nos quoque juxta sensum interiorem easdem custodias dividamus. Sed ab hac divisione illos duos milites sequestremus, inter quos eum dormire supra ostendimus. Illis ergo duobus exceptis, quomodo reliqui in primam et secundam custodiam dividi valeant videamus. Primum itaque quaternionem, quem affectum peccandi nominavimus, cum suo agmine pro prima custodia habeamus. Recte etenim ipse et milites sui pro prima custodia deputantur, quia scilicet, ut supra dictum est, idcirco peccator de carcere suo exire detrectat, quia eum peccare iterum delectat. Pro secunda quoque custodia, secundum quaternionem, qui pudor confessionis est, cum suis militibus deputemus. Congruenter autem et ipse pro secunda custodia collectatur, quia et prius nos in peccatum præcipitat affectus peccandi, et subsequenter pudor confessionis in peccato retentat. Sed quia angelum sequitur, a neutra harum custodia detinetur; quia qui prædicatorem veritatis obedienter auscultat, nec per peccandi affectum peccatum iterat, nec per pudorem confessionis ea quæ commisit occultat. Cum ergo post angelum vadit, utramque custodiam sine lascione pertransit; quia prædictor suus ex Scripturis sanctis ei assidue arma subministrat quibus se contra pericula circumjecta defendat. Ne enim alii peccandi affectus ad iterandum peccatum pertrahatur, sententia eum de Scripturis per prædictorem adhibita castigat: *Fili, peccasti? ne adjicias.*

Sed hic forte opponitur quomodo, cum eatenus de IV quaternionibus tractaverimus, nunc de duabus tantummodo tractare videamur? Unde scendum quia, si subtiliter inspicimus, in duabus istis de quibus haec diximus, duo quoque alii continentur. Et quia Scripturam sacram ille congruenter exponit qui omnibus quæ lectorem possunt movere, providerent occurrit, ostendamus, si possumus, quomodo in hac prima et secunda custodia, quam de primo et secundo quaternione consecimus, duo quoque quaterniones alii comprehendantur; ita ut duabus illis transitis, duo quoque alii transeantur. Ecce enim primum quaternionem peccandi affectum diximus, et eundem cum suis militibus in prima custodia collocavimus. Est autem, ut præmissus, militum ejus primus, recordatio præteritæ voluptatis; II excusatio fragilitatis; III imitatio pravitatis; IV ratiocinatio conditionis. Quartum quoque quaternionem nominavimus profundum malorum, in quod cum venerit peccator, contemnit, obdурatur, impoenitens efficitur, excæcatur. Videamus ergo quomodo duo isti quaterniones et eorum milites inter se vicissim contineantur, ita ut unus cum suis, alter quoque cum suis pariter supereretur. Certe enim quia per affectum peccandi peccator peccatum repetit, in profundum malorum descendit; quia per recordationem præteritæ voluptatis iniquitas illi in corde dulcescit, de malorum storum profundo redire contemnit; quia culpis suis excusationem fragilitatis obtendit, paulatim adversus viscera divinæ misericordiæ obdurescit; quia per imitationem pravitatis exempla alienæ iniquitatis attendit, non curat per poenitentiae correctionem

et secundum quaternionem, utrumque milites in vicem contulimus, ut qualiter in hanc primam custodiam pariter convenient, monstraremus. Nunc etiam per hanc primam custodiam qualiter, duce angelo, peccator transeat ostendamus. Itaque transitio peccandi affectu, profundum malorum transitur; quia profecto peccata multiplice iterando non potest qui peccandi voluntatem non habet. Transita recordatione præterite voluptatis, contemptus quoque pariter pertransitur; quia, dum per laudabilem oblivionem transactas delectationes a sua mente obliterat, ad eum qui se diu toleravit, citius redire postposito contemptu festinat. Transita excusatione fragilitatis, obduratio quoque cordis pariter pertransitur; quia cum, subducto excusationis velamine, semelipsum accusare incipit, confessim, per respectum divinæ gratiæ, cordis sui duritiam in lacrymis liquefacit. Transita imitatione pravitatis, impoenitentia quoque pertransitur; quia nequaquam ad malum alienæ nequitæ exemplo informatur, dum diligenter quæ pœnitentes maneat intuetur: quin immo ad pœnitentiam tanto celerius currit, quanto ne in malis suis deprehendatur, formidolosus pertimescit. Transita ratiocinatione conditionis, cœxit quoque mentis pariter pertransitur; quia dum lumen rationis ad culpe defensionem nequaquam intorquet, illuminatus per gratiam, quid sequi, quid cavere beat, lucidius videt. Ecce duo quaterniones, cum suis militibus in primam custodiam convenientes, qualiter transeantur ostendimus: nunc duo alii, qualiter in secundam convenient, ostendamus. Secundum itaque quaternionem, qui pudor confessionis dicitur, et tertium, quem amore privatum nominavimus, cum suis militibus pariter conseramus, et eos in secundam custodiam, prout ratio dictaverit, ordinemus. Sed, quia de istorum quaternionum agmine sunt illi duo milites inter quos per significacionem captivus dormire superius dictus est, illis duobus prætermisis, de aliis videamus. De agmine itaque secundi quaternionis uno extra carcere excubante, reliqui tres sunt levigatio culpe, longiturnitas vitæ, torpor negligentia. Item de agmine tertii quaternionis, uno milite intra carcere relicto, residui tres sunt appetitus famæ, rigor pœnitentia, metus perseverantia. Duo itaque isti quaterniones ita sibi convenient. Ideo namque culpas suas consideri erubescit, quia privato amore se diligit; ideo peccatum suum excusationibus levigat, ne, apud estimationem aliorum reprehensibilis convictus, nomen famæ, quod appetit, perdat; ideo rigorem pœnitentia subire refutit, quia longa sibi vitæ spolia reprobmittit; ideo eum torpor negligentia astingit, quia metus eum ad frigus perseverantiae suscitans, perdidit. Videamus itaque tertium quatuor

A nunc quomodo nihilominus transeantur. Transito itaque pudore confessionis, amor quoque privatus pariter pertransitur; quia nimurum sui ipsius adversarius efficitur, dum culpas suas detegens, salubri odio insectatur. Transita levigatione culpe, appetitus quoque famæ pariter pertransitur; quia, dum reatum suum ipse sibi aggravat, Deo soli placere gestiens, de fama exteriori non curat. Transito rigore pœnitentia, longevitatis quoque promissio pariter pertransitur; quia, dum illum quem offendit placare citius concupiscit, seductoræ dilationis inducias non admittit. Transito torpore negligentia, metus quoque perseverantia pariter pertransitur; quia, dum ferventi spiritu ipse bonum facere incipit, ex divino adjutorio hoc posse consummare se præsumit. Hoc itaque modo isti duo quaterniones cum suis satellitibus in secundam custodiam rediguntur; hoc etiam modo a peccatore converso, duce angelo, transeuntur. Sed quia jam de carcere exiit, quia primam et secundam custodiam transiit ductorem suum sequendo, videamus quo venerit.

B XVIII. Venerunt, inquit, ad portam ferream, quæ dicit ad civitatem. Postquam de carcere tenebrosæ conscientia peccator exiit, postquam primam et secundam custodiam transiit, id est, obstacula vitorum quæ se in peccato detinebant evadit, ad portam ferream venit; quia sola peccatorum confessio ad salutem non sufficit, si non etiam, pro his quæ commisit, per satisfactionis duritiam se affligit. Videamus David de carcere exerunt, et ad portam ferream properantem, qui ait: *Iniquitatem meam annuntiabo, et cogitabo pro peccato meo.* Peccator etenim, cum iniquitatem suam confitendo annuntiat, de carcere exit; cum vero cogitat qualiter Deo pro unoquoque peccato satisfaciat, ad portam ferream tendit. Ipsa itaque satisfactio, qua Deo pro peccatis nostris satisfacimus, porta ferrea non inconvenienter accipitur; quia homini mollibus desideriis olim dedito valde durum est, dum conversus ad pœnitentiam cogitur, eadem desideria relinquere, carnem macerare, ingemiscere, flere, jejunare, sæculo funditus renuntiare, remotam vitam expetere, et deinceps ad alterius arbitrium vivere. Peccati ergo satisfactio recte portæ ferrea nominatur, per quam homo, ut Deum sibi placatum reddat, quidquid in se carnaliter vixit, ferro duræ pœnitentiae necat. Unde et Joannes Baptista peccatores ad se confluentes ad portam ferream invitabat, dicens: *Genimina viperarum, quis ostendit robis suæ a ventura ira? Facite ergo fructus dignos pœnitentie.* Dignos enim fructus pœnitentia facere, hoc est ad portam ferream properare, hoc est ita plenariam Deo satisfactionem offerre ut a licitis etiam deteat obstatibus qui ex membris illis, non ex animis. A

rea dicit ad civitatem, quia satisfactionis angustia ad latitudinem nos superne civitatis intromittit. Ad cuius nimirum civitatis gaudia cum conversus peccator serventi amore festinat, gressus desiderii ejus quolibet portae ferreae districtio non retardat. Unde bene porta ferrea dicitur,

XIX. *Quæ ultro aperta est eis.* Cum Petrus angelo præeunte ad portam venit, ante ipsum porta eadem se ultro aperit; quia cum conversus peccator vestigia sanctæ prædicationis cum alacritate prosecutur, cuncta illi sunt facilia quæ prius difficultia videbantur. Et qui antea, peccatorum grossitudine dilatatus, nonnisi per ampla voluptatum incedere potuit, nunc, extenuatus lima pœnitentiae, quaslibet augustias sine difficultate pertransit. Sed quærendum video cur sit dictum, *aperta est eis*, et non potius, *aperta est ei*. Certe angelus qui Petrum ducebat, spiritus erat, et proinde, etiam non aperta porta eadem, per subtilitatem spiritualis naturæ transire poterat. Nam carcere quoque de quo Petrum extraxit, clausus erat; in quem tamen cum intrasset, non legitur aliqua janua patescere. Sed hic forte opponitur quia scilicet non legitur aliquis aditus patescens cum ad eum intravit, ita nec tunc quidem dum cum eodem exivit; ac proinde videri debere quod illum non reserato aditu eduxerit. Sed hæc opinio non mihi recipienda videtur, nisi aliquo canonice Scripturæ testimonio confirmetur; canonicam autem Scripturam nunc appello eam quæ in canone librorum Veteris et Novi Testamenti continetur. In qua plane nusquam me legisse recordor quod homo quispiam, mortali corpore vestitus, per aliquem aditum non apertum cum suo solidi corpore transire potuerit, excepto Domino nostro Iesu Christo, qui, et cum nasceretur, non aperio ostio de ventre matris exivit, et cum resurgeret, cum eodem suo immortalis sed tamen vero corpore, clausis januis, ad discipulos intravit. Nam si quis illud opponit, quod de quodam apostolo legitur, quod scilicet ad regem quemdam clausis januis intravit, exemplum hoc non me tenet, non me terret; quia ipsa quoque Scriptura in qua hoc legitur, Patrum auctoritate inter apocrypha numeratur. Potius itaque hoc credendum, quod angelus qui ad Petrum in carcere non aperio aditu per subtilitatem angelicæ naturæ intravit, idem ipse, ut eum educeret, per virtutem Domini ostium carceris patescet. Sed quolibet modo eum eduxerit, viderit ille qui fecit; nos ad propositam redeamus quæstionem.

Quærebamus enim cur de porta pluraliter dictum sit, *aperta est eis*, et non potius singulariter, *aperta est ei*; cum utique non angelo, qui spiritus erat, sed tantum Petro, qui solidi corpore vestiebatur, ne-

A per angelum quilibet prædictor demonstratur veritatis. Jam nunc ergo investigemus quomodo prædictor cum converso peccatore ad portam ferream veniat, et quomodo portam istam cum eodem pertranseat. Videamus angelum cum Petro suo ad portam ferream properantem. Et quis verius dicendus est angelus, quam ille de quo scriptum est : *Ecce ego mitto angelum meum ante te, et præparabit viam tuam?* qui nimirum cum diceret, *Facite fructus dignos pœnitentiae*, quid aliud agebat nisi Petrum suum, id est conversos peccatores, ad portam ferream properare monebat? Videamus nunc si et ipse per eamdem portam transierit. Et quis melius illo, imo quis adeo sicut ille qui, in indicium pœnitentiae et afflictionis, pilis camelorum corpus suum limabat; qui in signum mortificandæ voluptatis zonam pelliceam circa lumbos habebat; qui, in documentum singularis abstinentiae, pane contemptu, locutas et mel silvestre elebat; qui, in exemplum remotæ conversationis, in eremo consistebat? Videamus alium angelum cum Petro suo ad portam ferream properantem. Quis enim verior angelus illo qui dixit : *An experimentum ejus queritis, qui in me loquitur Christus?* Ipse itaque Petro suo, gentibus scilicet, quas de carcere infidelitatis eduxerat, quid ait? *S. c. currite ut comprehendatis; omnis enim qui in agone contendit, ab omnibus se abstinet.* Cum ergo eos sic currere ut comprehendant admonet, quid cum illis agit, nisi ad portam illam quæ dicit ad civitatem ubi bravium recepturi sunt tendere persuadet? Cum vero illos, exemplo sæcularis athletæ, ab omnibus quæ agonem impediunt præcipit abstinenre, quid cum illis agit, nisi quomodo per portam ferream debeant intrare ostendit? Videamus nunc si et ipse hæc agat, ad quæ agendum suos sequaces informat. Ait : *Ego sic curro, non quasi in incertum; sic pugno, non quasi acrem verberans: sed castigo corpus meum, et in servitatem redigo, ne forte, aliis prædicans, ipse reprobus efficiar.* Cum itaque et seipsum currere et pugnare insinuat, quid nisi se quoque ad portam ferream properare demonstrat? Bene ergo de hac porta dicitur, *quæ ultro aperta est eis*; quia sancti prædictores nostri, qui nos de carcere peccatorum educunt, nobiscum portam ferream intrant, cum ipsi quoque, ut nolis exemplum pœnitentiae præbeant, carnem suam cum vitiis et dura afflictione castigant.

XX. Sequitur : *Et exuenies processerunt vicum unum, et continuo discessit angelus ab eo.* Quid per vicum unum, nisi mors carnis accipitur? Quæ videbilet mors carnis, bene non vicus quidem, sed vicus unus dicitur, quia per ipsam viam universitas carnis transire compellitur. Unde et in Scripturis mors

ita, eum nobis quem promiserat repræsentet. Nam **A** cum egressi de carcere citius erraremus, nisi per illum nobis iter quo deberemus ingredi monstraretur. Cum autem vicum unum procedimus, continuo angelis a nobis discedit; quia cum ipso [an ipsum], qui via, veritas, et vita est, vidimus, jam ductore ultro non egemus.

XXI. Sequitur: *Et Petrus ad se reversus dixit: Nunc scio vere quia misit Dominus angelum suum, et eripuit me de manu Herodis, et de omni exspectatione plebis Judæorum.* Juxta litteram patet sensus quia Petrus ab illo mentis excessu in quem prægudio super se raptus fuerat, ad hoc redit quod intellectu communi et prius fuit. Sed si, quemadmodum cœpimus, hæc quoque verba ad internam intelligentiam referimus, magnam in eis futuræ nostræ erectionis imaginem prævidemus, magnum et in præsenti futuræ nostræ exultationis dulcedinem prægustamus. Nos etenim, quandiu in hujus exsilii religatione detinenerur, nobiscum esse perfecte non possumus; quia imaginem illam et similitudinem quam a conditore accepimus, immunem a peccato servare, sicut condita est, non valemus. Nam quoties peccamus, et nos sumus, et nobiscum sumus; quia per peccatum subter nos lapsi, ab illius similitudine qui super nos est degeneramus. Sed cum, illis superius dictis periculis omnibus evitatis, ad eum qui nos fecit venerinus, tunc etiam ad nos ipsos perfecte revertimur, quia, peccatum nullum habentes, quales nos condidit, tales sumus. Tunc jam de nostra erectione securi, in vocem exultationis erūpemus, dicentes:

XXII. *Nunc scio vere quia misit Deus angelum suum, et eripuit me de manu Herodis, et de omni exspectatione plebis Judæorum.* *De manu Herodis,* id est, de potestate diaboli tunc in veritate eripimur, quando, de loco tentationis assumpti, ejus insidias non ulterius timemus. *De omni quoque expec-*

A *catione plebis Judæorum eripimur;* quia sive maligni spiritus, sive perversi homines, qui bonorum afflictionem inhianter exspectant, nostris casibus jam deinceps non insultant. Nec sane negligenter prætereundum videatur quod non sit de *exspectatione*, sed de *omni exspectatione*. Adversariis enim nostris toties ad spectaculum irridendi producimur, quoties eis risum de nobis, perpetrato quolibet criminis, exhibemus; quia aliud est spectaculum iracundiae, aliud avaritiae, aliud gñke, aliud luxuriae, aliud vanæ gloriae, aliud superbiae. Hostes autem qui nostram irrisione inhianter exspectant, quanto nos profundius lapsos aspiciunt, tanto, sibimet applaudentes, insultationis cachinnos altius attollunt. Quandiu vero in hac vita, quæ tota tentatio est, consistimus, etsi quædam irrisione corum spectacula devitamus, difficile tamen est ut non in aliquod incidamus, unde tamen, per Dei gratiam ad penitentiae remedium recurrentes, quotidie liberamur. Cum vero ad illam securitatem venerimus, tunc *De omni exspectatione plebis Judæorum perfecte eripimur;* quia, morte in victoria resurrectionis absorpta, nec caro nostra ulli corruptioni exterius subjacebit, nec mentem nostram interius ulla concupiscentia titillabit. Tunc plane veraciter dicere poterimus: *Nunc scio vere quia misit Dominus angelum suum, etc.* Magnifice enim dictum est *Nunc scio vere,* ne quis videlicet vere se receptum præsumat, quo usque ad illam libertatem gloriae filiorum Dei perveniat; quia, etsi jam per fidem nos liberatos scimus, adhuc tamen per speciem vere liberatos nos nescimus, donec ipsi libertatis nostræ auctori æterna societate jungamur. Ad quam veræ erectionis scientiam nos perducere dignetur ille magni consilii Angelus, qui nos et prius per seipsum de tenebris et umbra mortis eripuit, et quotidie per suos angelos eripit, Jesus Christus Deus et Dominus noster, cui est cum Patre et Spiritu sancto honor et gloria in sæcula sæculorum. Amen.

SANCTI FULBERTI

CARNOTENSIS EPISCOPI

TRACTATUS CONTRA JUDÆOS.

Jacob patriarchæ prophetiam insignem: NON AUFERETUR SCEPTRUM DE JUDA, etc., in Christo Jesu completam probandum suscipit.

(Edidit Carolus de Villiers, theologus Parisiensis, *Bibliothœcæ Patrum* tom. XVIII, pag. 42, sub titulo: *SERMONES CONTRA JUDÆOS.* — Vide Notitiam litterarum Operibus S. Fulberti præmissam, supra, col. 167.)

Digitized by Google